



12237

三十家詩鈔卷二目錄

陶淵明五古一百十五首

形影神三首

九日閒居

歸園田居五首

遊斜川

示周續之祖企謝景夷三郎

乞食

諸人共遊周家墓柏下

怨詩楚調示麗王簿鄧治中

三十家詩鈔

卷二目錄

答龐參軍

五月旦作和戴主簿

連雨獨飲

移居二首

和劉柴桑

酬劉柴桑

和郭主簿二首

於王撫軍座送客

與殷晉安別

贈羊長史





歲暮和張常侍

和胡西曹示顧賊曹

悲從弟仲德

始作鎮軍參軍經曲阿

庚子歲五月中從都還阻風於規林二首

辛丑歲七月赴假還江陵夜行塗口

癸卯歲始春懷古田舍二首

癸卯歲十二月中作與從弟敬遠

乙巳歲三月爲建威參軍使都經錢溪

還舊居

三十一家詩鈔

卷二目錄

戊申歲六月中遇火

己酉歲九月九日

庚戌歲九月中於西田穫早稻

丙辰歲八月中於下潁田舍穫

責子

有會而作

蜡日

飲酒二十首

止酒

述酒

擬古九首

雜詩十二首

詠貧士七首

詠二疏

詠三良

詠荆軻

讀山海經十三首

擬挽歌辭三首

桃花源詩

謝康樂五古六十五首

三十家詩鈔

卷二目錄

述祖德詩二首

九日從宋公戲馬臺集送孔令

從遊京口北固應詔

永初三年七月十六日之郡初發都

鄰里相送至方山

過始甯墅

富春渚

七里瀨

晚出西射堂

登池上樓



遊南亭

遊赤石進帆海

登江中孤嶼

登永嘉綠嶂山詩

郡東山望溟海詩

遊嶺門山詩

石室山詩

登上戍石鼓山詩

行田登海口盤嶼山

白石巖下徑行田

三十家詩鈔

卷二目錄

齋中讀書

命學士講書

種桑詩

初去郡

田南樹園激流植援

石壁精舍還湖中作

登石門最高頂

石門新營所住四面高山迴溪石瀨茂林修竹

於南山往北山經湖中瞻眺

從斤竹澗越嶺溪行

過白岸亭詩

夜宿石門詩

南樓中望所遲客

廬陵王墓下作

還舊園作見顏范二中書

酬從弟惠連五首

登臨海嶠初發疆中作與從弟惠連可見羊何其和之四

首

初發石首城

入東道路詩

道路憶山中

入彭蠡湖口

入華子岡是麻源第三谷

登歸瀨三瀑布望兩溪

初往新安桐廬口

擬魏太子鄴中集詩八首

石壁立招提精舍

過瞿溪仙僧

七夕詠牛女

彭城宮中直感歲暮



會吟行

顏延年五古三十首

從軍行

應詔觀北湖田收

車駕幸京口侍遊蒜山作

車駕幸京口三月三日侍遊曲阿後湖作

拜陵廟作

贈王太常

夏夜呈從兄散騎車長沙

直東宮答鄭尚書

三十家詩鈔

卷二

目錄

和謝監靈運

北使洛

還至梁城作

始安郡還都與張湘州登巴陵城樓作

秋胡詩九首

五君詠五首

爲織女贈牽牛

歸鴻

除弟服

辭難潮溝

謝希逸五古六首

烝齋應詔

和元日雪花應詔

七夕夜詠牛女應制

遊豫章西觀洪崖井

自潯陽至都集道里名爲詩

北宅祕園

謝宣遠五古九首

九日從宋公戲馬臺集送孔令詩

答靈運

三十家詩鈔

卷二

目錄

七

於安城答靈運五首

王撫軍庾西陽集別時爲豫章太守庾被徵還東

張子房詩

謝法曹五古二十六首

豫章行

塘上行

卻東西門行

代悲哉行

猛虎行二首

三月三日曲水集



汎南湖至石帆

西陵遇風獻康樂五首

代古

秋懷

擣衣

泛湖歸出樓中望月

七月七日夜詠牛女

喜雨

詠冬

讀書

三十家詩鈔

卷二 目錄

離合詩二首

夜集作離合

夜集歎乖

與孔曲阿別詩

三十家詩鈔卷二目錄

善化黃維申校

三十家詩鈔卷二

湘鄉曾國藩纂

東湖王定安增輯

陶淵明五古一百十四首

文選錄者八首以○識之樂府詩集錄者二首陳沆錄者三十五首

並以△識之

形影神三首並序

貴賤賢愚莫不營營以惜生斯甚惑焉故極陳形影之苦言神辨自然以釋之好事君子其取其心焉

形贈影

天地長不沒山川無改時草木得常理霜露榮悴之謂人最靈智獨復不如茲適見在世中奄去靡歸期奚覺無一人親識豈相思但餘平生物舉目情悽而無騰化術必爾不復疑願君取吾言得酒莫苟辭

影答形

存生不可言衛生每苦拙誠願游崑華邈然茲道絕與子相遇來未嘗異悲悅憩蔭若暫乖止日終不別此同既難常黯爾俱時滅身沒名亦盡念之五情熱立善有遺愛胡為不自竭酒云能消憂方此詎不劣

神釋

大鈞無私力萬理自森著人為三才中豈不以我故與君雖異物生而相依附結託善惡同安得不相語三皇六代人今復在



何處彭祖愛永年欲留不得住老少同一死賢愚無復數日醉  
或能忘將非促齡具立善常所欣誰當爲汝譽甚念傷吾生正  
宜委運去縱浪大化中不喜亦不懼應盡便須盡無復獨多慮  
日醉二句辨形贈影之言  
立善二句辨影答形之言

九日閒居

序

余閒居愛重九之名秋菊盈園而持醪靡由空服九華

寄懷於言

世短意常多斯人樂久生日月依辰至舉俗愛其名露淒暄風  
息氣徹天象明往燕無遺影來雁有餘聲酒能祛百慮菊解制  
頽齡如何蓬廬士空視時運傾塵爵恥虛疊寒華徒自榮斂襟  
三十家詩鈔 卷二 晉 陶潛 二  
獨閒謠緬焉起深情棲遲固多娛淹留豈無成  
時運傾指易代  
之事淹留無成  
騷人語也今反之謂事業則  
無所成於道德豈無成邪

歸園田居

少無適俗韻性本愛邱山誤落塵網中一去三十年羈鳥戀舊  
林池魚思故淵開荒南野際守拙歸園田方宅十餘畝草屋八  
九間榆柳蔭後檐桃李羅堂前曖曖遠人村依依墟里煙狗吠  
深巷中雞鳴桑樹巔戶庭無塵雜虛室有餘閒久在樊籠裏復  
得返自然  
識  
度

其二

野外罕人事窮巷寡輪鞅白日掩荆扉虛室絕塵想時復墟曲



中披草一作披衣共來往相見無雜言但道桑麻長桑麻日已長我

土日已廣常恐霜霰至零落同草莽識度

其三

種豆南山下草盛豆苗稀晨興理荒穢帶月荷鋤歸道狹草木

長夕露霑我衣衣霑不足惜但使願無違識度。東坡云以夕露霑衣之故而違其所願者多矣

所願者多矣

其四

久去山澤游浪莽林野娛試攜子姪輩披榛步荒墟徘徊邱壠

間依依昔人居井竈有遺處桑竹殘朽株一作樹木借問采薪

者此人皆焉如薪者向我言死沒無復餘一世異朝市此語真

三十家詩鈔

卷二

晉 陶潛

三

不虛人生似幻化終當歸空無識度

其五

悵恨獨策還崎嶇歷榛曲山澗清且淺可以濯吾足漉我新熟

酒隻雞招近屬一作局日入空中闇荆薪代明燭歡來苦夕短已

復至天旭識度

遊斜川並序

辛丑正月五日天氣澄和風物閒美與二三鄰曲同遊

斜川臨長流望曾城鮪鯉躍鱗於將夕水鷗乘和以翻

飛彼南阜者名實舊矣不復乃為嗟歎若夫曾城旁無

依接獨秀中皋遙想靈山有愛嘉名欣對不足率爾賦



詩悲日月之遂往悼吾年之不畱各疏年紀鄉里以記

其時日淮南子崑崙山有曾城九重陶公因目中所見之曾城而遙想崑崙之曾城觀上文臨長流望

會城句當是斜川有山名曾城故愛其嘉名與崑崙同耳駱庭芝云曾城落星寺也然云獨秀中舉則是指山

非指寺矣

開歲倏五十一作非吾生行歸休念之動中懷及辰為茲游氣和

天惟澄班坐依遠流弱湍馳文魴閑谷矯鳴鷗迴澤散游目緬

然睇曾邱雖微九重秀顧瞻無匹儔提壺接賓侶引滿更獻酬

未知從今去當復如此不中腸縱遙情中腸一作中觴猶大謝詩之中飲即酒半也

忘彼千載憂且極今朝樂明日非所求

示周續之祖企謝景夷三郎時三人皆講禮校書

三十家詩鈔

卷二

晉陶潛

四

負病頽簷下終日無一欣藥石有時閒念我意中人相去不尋

常言不近也道路邈何因周生述孔業祖謝響然臻薦襦表羣士響臻道喪

向千載今朝復斯聞馬隊非講肄校書亦已勤老夫有所愛思

與爾為鄰願言誨諸子從我潁水濱

乞食

饑來驅我去不知竟何之行行至斯里叩門拙言辭主人解余

意遺贈豈虛來談諧終日夕觴至輒傾杯情欣新知歡興言遂

賦詩感子漂母惠愧我非韓才銜戢知何謝冥報以相貽

諸人共遊周家墓柏下

今日天氣佳清吹與鳴彈感彼柏下人安得不為歡清歌散新



聲綠酒開芳顏未知明日事余襟良已殫

△怨詩楚調示龐主簿鄧治中

古今樂錄載怨詩始於卞和繼以班婕妤好蓋傷不見知之

意此篇之未亦傷世無知己也

天道幽且遠鬼神茫昧然結髮念善事俛俛六九年弱冠逢世阻始室喪其偏炎火屢焚如螟蟻恣中田風雨縱橫至收斂不盈廛夏日抱長饑寒夜無被眠造夕思雞鳴及晨願烏遷在己何怨天離憂悽目前吁嗟身後名於我若浮煙慷慨獨悲歌鍾期信爲賢

答龐參軍

有序

三復來貺欲罷不能自爾鄰曲冬春再交款然良對忽

三十家詩鈔

卷二

晉

陶潛

五

成舊遊俗諺云數面成親舊況情過此者乎人事好乖

便當語離楊公所歎也

楊承也

豈惟長悲吾抱疾多年不復

爲文本既不豐復老病繼之輒依周孔往復之義且爲

別後相思之資

本既不豐謂素癯瘠也

相知何必舊傾蓋定前言有客賞我趣每每顧林園談諧無俗調所說聖人篇或有數斗酒間飲自歡然我實幽居士無復東西緣物新人惟舊弱毫多所宣情通萬里外形蹟滯江山君其愛體素來曾在何年

五月旦作和戴主簿

虛舟縱逸棹回復遂無窮

云去復來來復去也

發歲若俛仰星紀奄將中



明兩萃時物一作南窗北林榮且豐神淵寫時雨晨色奏景風

既來孰不去人理固有終居常待其盡曲肱豈傷冲遷化或夷

險肆志無宥隆卽事如己高何必升華嵩史記律書景風者居南方

連雨獨飲

運生會歸盡終古謂之然世間有松喬於今定何間故老贈余酒乃言飲得仙試酌百情遠重觴忽忘天天豈去此哉任真無所先雲鶴有奇翼八表須臾還自我抱茲獨僊俛四十年形骸

久已化心在復何言識度

移居

昔欲居南村非爲卜其宅聞多素心人樂與數晨夕懷此頗有

年今日從茲役蔽廬何必廣取足蔽牀席鄰曲時時來抗言談

在昔奇文共欣賞疑義相與析識度

其二

春秋多佳日登高賦新詩過門更相呼有酒斟酌之農務各自

歸閒暇輒相思相思則披衣起往相訪也言笑無厭時此理將不勝

無爲忽去茲衣食當須幾力耕不吾欺識度。此理二句言此樂不可勝無爲舍而去也

和劉柴桑

山澤久相招胡事乃躊躇直爲親舊故未忍言索居良辰入奇懷挈杖還西廬荒塗無歸人時時見廢墟茅茨已就治新疇復



應畚谷風轉淒薄春醪解饑劬弱女雖非男慰情良勝無栖栖  
世中事歲月共相疏耕織稱其用過此奚所須去去百年外身  
名同翳如

酬劉柴桑

窮居寡人用時忘四運周空庭多落葉慨然已知秋新葵鬱北  
牖嘉穉眷南疇今我不爲樂知有來歲不命室攜童弱良日登  
遠遊

和郭主簿

靄靄堂前林中夏貶清陰凱風因時來回飆開我襟息交逝開

臥坐起弄書琴

一作息交遊閑業  
臥起弄書琴非

園蔬有餘滋舊穀猶儲今營

三十家詩鈔

卷二 晉

陶潛

七

己良有極過足非所欽春秫作美酒酒熟吾自斟弱子戲我側  
學語未成音此事真復樂聊用忘華簪遙遙望白雲懷古一何  
深

其二

和澤周三春清涼素秋節露凝無游氛天高風景澈陵岑聳逸  
峯遙瞻皆奇絕芳菊開林耀青松冠巖列懷此貞秀姿卓爲霜  
下傑銜觴念幽人千載撫爾訣檢素不獲展厭厭竟良日

於王撫軍座送客

王弘爲撫軍將軍江州刺史庾登之爲  
西陽太守時被徵還京謝瞻爲豫章太

守時將赴郡王撫軍於滌  
浦餞之或邀陶公預宴

秋日淒且厲百卉具已腓爰以履霜節登高餞將歸寒氣冒山



澤游雲倏無依洲渚思緬邈風水互乖違瞻夕欣良讌離言聿  
云悲晨鳥暮來還懸車斂餘輝淮南子日至悲泉是謂懸車逝止判殊路旋  
駕悵遲遲目送回舟遠情隨萬化遺

與殷晉安別

有序。殷景仁名鐵。

殷先作晉安南府長史掾因居潯陽後作太尉也劉裕參

軍移家東下作此以贈

遊好非久長一遇盡殷勤信宿酬清話益復知爲親去歲家南  
里薄作少時鄰負杖肆游從淹留忘宵晨語默自殊勢亦知當  
乖分未謂事已及興言在茲春飄飄西來風悠悠東去雲山川  
千里外言笑難爲因良才不隱世指殷江湖多賤貧陶公脫有經  
三十家詩鈔卷二晉陶潛  
過便念來存故人

贈羊長史

有序。羊名松齡。

左軍羊長史銜使秦川作此與之

愚生三季後慨然念黃虞得知千載上政賴古人書賢聖畱餘  
蹟事事在中都豈忘游心目關河不可踰九域甫已一逝將理  
舟輿聞君當先邁負病不獲俱路若經商山爲我少躊躇多謝  
綺與角精爽今何如紫芝誰復采深色久應蕪駟馬無貫患貧  
賤有交娛清謠結心曲人乖運見疏擁懷累代下言盡意不舒  
識度。劉裕破秦以後霸業已盛玉步將更故前者思游中都  
而九域未一今者九域已一而世代將改但當從綺角游耳駟  
馬不貫憂患貧賤或多  
歡娛亦公之素志也



歲暮和張常侍

市朝悽舊人驟驥感悲泉明旦非今日歲暮余何言素顏斂光  
潤白髮一已繁闕哉秦穆談旅力豈未愆向夕長風起寒雲沒  
西山冽冽氣遂嚴紛紛飛鳥還民生鮮常在矧伊愁苦纏屢闕  
清醑至無以樂當年窮通靡攸慮憔悴由化遷撫已有深懷履  
運增慨然

和胡西曹示顧賊曹

蕤賓五月中清朝起南颺不駛亦不遲飄飄吹我衣重雲蔽白  
日閒雨紛微微流目視西園暉暉榮紫葵於今甚可愛奈何當  
復衰一作當樂行復衰非感物願及時每恨靡所揮悠悠待秋稼寥落將  
三十家詩鈔卷二 晉陶潛 九  
賒遲逸想不可淹猖狂獨長悲

悲從弟仲德

銜哀過舊宅悲淚應心零借問爲誰悲懷人在九冥禮服名羣  
從恩愛若同生門前執手時何意爾先傾在數竟未免爲山不  
及成慈母沈哀疚二肩纔數齡雙位委空館朝夕無哭聲流塵  
集虛坐宿草旅前庭階除曠遊跡園林獨餘情翳然乘化去終  
天不復形遲遲將回步惻惻悲襟盈

○始作鎮軍參軍經曲阿

宋武帝行鎮軍將軍陶公參其軍事

弱齡寄事外委懷在琴書被褐欣自得屢空常晏如時來苟冥  
會謂無心遇之也觀一苟字明其爲適然相值非有意就此參軍也婉變憩通衢投策命晨裝



暫與田園疏眇眇孤舟逝縣縣歸思紆我行豈不遙登陟千里  
餘目倦川塗異心念山澤居望雲慙高鳥臨水愧游魚真想初  
在襟誰謂形蹟拘聊且憑化遷終返班生廬識度

庚子歲五月中從都還阻風於規林

行行循歸路計日望舊居一欣待溫顏再喜見友于鼓櫂路崎  
曲指景限西隅江山豈不險歸子念前途凱風負我心戢柁守  
窮湖高莽眇無界夏木獨森疏誰言客舟遠近瞻百里餘延目  
識南嶺空歎將焉如

其二

自古歎行役我今始知之山川一何曠異坎難與期異順也坎險也或曰

三十家詩鈔

卷二

晉

陶潛

十

巽風也崩浪聒天響長風無息時久游戀所生如何淹在茲靜  
坎水也念園林好人間良可辭當年詎有幾縱心復何疑

○辛丑歲七月赴假還江陵夜行塗口

閒居三十載遂與塵事冥詩書敦宿好林園無俗情如何捨此  
去遙遙至南荆叩柅新秋月臨流別友生涼風起將夕夜景湛  
虛明昭昭天宇闊晶晶川上平懷役不遑寐中宵尚孤征商歌  
非吾事淮南子曰甯戚商歌車下桓公慨然而悟許慎曰甯戚衛人聞齊桓公與霸無因自達將車自往商秋聲也  
依依在耦耕投冠旋舊墟不爲好爵縈養眞衡茅下庶以善自  
名

癸卯歲始春懷古田舍



在昔聞南畝當年竟未踐屢空既有人春興豈自免夙晨裝吾  
駕啟塗情已緬鳥弄歡新節冷風送餘善一作鳥弄新節冷風送餘善善寒竹  
披荒蹊地爲罕人遠是以植杖翁悠然不復返卽理愧通識所  
保詎乃淺

其二

先師有遺訓憂道不憂貧瞻望邈難逮轉欲志長勤秉耒歡時  
務解顏勸農人平疇交遠風良苗亦懷新雖未量歲功卽事多  
所欣耕種有時息行者無問津日入相與歸壺漿勞近鄰長吟  
掩柴門聊爲隴畝民

癸卯歲十二月中作與從弟敬遠

二十家詩鈔

卷二

晉 陶潛

十一

寢蹟衡門下邈與世相絕顧盼莫誰知荆扉晝常閉必結淒淒

歲暮風翳翳經夕雪傾耳無希聲在日皓已潔勁氣侵襟袖筆

瓢謝屢設蕭索空宇中了無一可悅歷覽千載書時時見遺烈

高操非所攀謬得固窮節平津苟不由栖遲詎爲拙寄意一言

外茲契誰能別平津二句言苟不慕公孫宏之丞相封侯則栖遲山林亦未爲拙也不由謂不由其道也

乙巳歲三月爲建威參軍使都經錢溪

我不踐斯境歲月好已積晨夕看山川事事悉如昔微雨洗高  
林清颿矯雲翮眷彼品物存義風都未隔伊余何爲者勉勵從  
茲役一形似有制素襟不可易園田日夢想安得久離析終懷  
在歸舟諒哉宜霜柏趙泉山曰此詩大旨慶遇先帝光復大業不失舊物也



還舊居

南康志近城五里地名  
上京亦有淵明故居

疇昔家上京六載去還歸今日始復來惻愴多所悲阡陌不移  
舊邑屋或時非履歷周故居鄰老罕復遺步步尋往蹟有處特  
依依流幻百年中寒暑日相推常恐大化盡氣力不及衰撥置  
且莫念一觴聊可揮

戊申歲六月中遇火

草廬寄窮巷甘以辭華軒正夏長風急林室頓燒燔一宅無遺  
宇舫舟蔭門前迢迢新秋夕亭亭月將圓果菜始復生驚鳥尙  
未還中宵並遙念一盼周九天總髮抱孤介奄出四十年形蹟  
憑化往靈府長獨閒貞剛自有質玉石乃非堅仰想東戶時餘  
三十家詩鈔

卷二

晉 陶潛

七

己酉歲九月九日

靡靡秋已夕淒淒風露交蔓草不復榮園木空自彫清氣澄餘  
滓杳然天界高哀蟬無畱響叢鴈鳴雲霄萬化相尋繹人生豈  
不勞從古皆有沒念之中心焦何以稱我情濁酒且自陶千載  
非所知聊以永今朝

庚戌歲九月中於西田穫早稻

人生歸有道衣食固其端孰是都不營而以求自安開春理常  
業歲功聊可觀晨出肆微勤日入負耒還山中饒霜露風氣亦  
先寒田家豈不苦弗獲辭此難四體誠乃疲庶無異患干盥濯



息檐下斗酒散襟顏遙遙沮溺心千載乃相關但願長如此躬  
耕非所歎識度

丙辰歲八月中於下潁田舍穫

貧居依稼穡戮力東林隈不言春作苦常恐負所懷司田眷有  
秋寄聲與我諧饑者歡初飽束帶候雞鳴揚楫越平湖汎隨清  
壑迴鬱鬱荒山裏猿聲閑且哀悲風愛靜夜林鳥喜晨開曰余  
作此來三四星火頽姿年逝已老其事未云乖遙謝荷篠翁聊  
得從君栖

責子

舒儼宣侯雍份端佚通佟凡  
五人舒宣雍端通皆小名

白髮被兩鬢肌膚不復實雖有五男兒總不好紙筆阿舒已二

三十家詩鈔

卷二

晉

陶潛

三

八懶惰故無匹阿宣行志學而不愛文術雍端年十三不識六  
與七通子垂九齡但覓梨與栗天運苟如此且進杯中物識度

有會而作

立序

舊穀既沒新穀未登頗爲老農而值年災日月尙悠爲  
患未已登歲之功既不可希朝夕所資煙火裁通旬日  
已來始念飢乏歲云夕矣慨然永懷今我不述後生何

聞哉

弱年逢家乏老至更長飢菽麥實所羨孰敢慕甘肥怒如亞九  
飯當暑厭寒衣歲月將欲暮如何辛苦悲常善粥者心深恨蒙  
袂非嗟來何足吝徒沒空自遺斯濫豈彼志固窮夙所歸餒也



已矣夫在昔余多師

蜡日

風雪送餘運無妨時已和梅柳夾門植一條有佳花我唱爾言  
得酒中適何多未能明多少章山有奇歌

△飲酒序

余閑居寡歡兼比夜已長偶有名酒無夕不飲顧影獨  
盡忽焉復醉既醉之後輒題數句自娛紙墨遂多辭無  
詮次聊命故人書之以爲歡笑爾

衰榮無定在彼此更共之邵生瓜田中甯似東陵時寒暑有代  
謝人道每如茲達人解其會逝將不復疑忽與一觴酒日夕歡  
三十家詩鈔 卷二 晉 陶潛 十四  
相持識度

△其二

積善云有報夷叔在西山善惡苟不應何事空立言九行帶  
索饑寒况當年不賴固窮節百世當誰傳樂啟期事見列子至  
於九十猶不免行而  
帶索則自少壯至老當  
年之饑寒不可勝述矣

△其三

道喪向千載人人惜其情有酒不肯飲但願世閒名所以貴我  
身豈不在一生一生復能幾倏如流電驚鼎鼎百年內持此欲  
何成

△其四



栖栖失羣鳥日暮猶獨飛徘徊無定止夜夜聲轉悲厲響思清  
晨遠去何所依一作厲響思清遠因值孤生松斂翮遙來歸勁  
風無榮木此蔭獨不衰託身已得所千載不相違識度○趙泉  
山曰此詩識

切殷景仁顏延年輩附麗於宋

△其五

結廬在人境而無車馬喧問君何能爾心遠地自偏采菊東籬

下悠然見南山山氣日夕佳飛鳥相與還此中有真意欲辯已

忘言識度○此首文  
選錄入雜詩中

△其六

行止千萬端誰知非與是是非苟相形雷同共譽毀三季多此

三十家詩鈔

卷二

晉 陶潛

五

事達士似不爾咄咄俗中愚且當從黃綺湯東潤曰此篇言季  
世出處不齊士皆以

乘時自奮為賢吾  
知從黃綺而已

△其七

秋菊有佳色裊露掇其英汎此忘憂物遠我遺世情一觴雖獨

進杯盡壺自傾日入羣動息歸鳥趨林鳴嘯傲東軒下聊復得

此生識度○此首文  
選錄入雜詩中

△其八

青松在東園眾草沒其姿凝霜殄異類卓然見高枝連林人不

覺獨樹眾乃奇提壺挂寒柯遠望時復為吾生夢幻閒何事繼

塵羈識  
度



△其九

清晨聞叩門倒裳往自開問子為誰歎田父有好懷壺漿遠見  
候疑我與時乖繼縷茅檐下未足為高棲一世皆尚同願君汨  
其泥深感父老言稟氣寡所諧紆轡誠可學違己詎非迷且共  
歡此飲吾駕不可回

識度

△其十二

在昔曾遠遊直去東海隅道路迴且長風波阻中塗此行誰使  
然似為饑所驅傾身營一飽少許便有餘恐此非名計息駕歸  
閒居

識度○趙泉山曰此篇述其為貧而仕

△其十一

三十家詩鈔 卷二 晉 陶潛 六  
顏生稱為仁榮公歸有道屢空不獲年長饑至於老雖畱身後  
名一生亦枯槁死去何所知稱心固為好客養千金軀臨化消  
其寶裸葬何必惡人當解意表

識度○歸猶稱也論語天下歸仁焉稱其仁也曹植詩眾工歸我妍稱其妍也此歸字與上句稱字對舉互見

△其十二

長公曾一仕 長公張 壯節忽失時杜門不復出終身與世辭仲  
理歸大澤 仲理楊 高風始在茲一往便當已何為復狐疑去去  
當奚道世俗久相欺擺落悠悠談請從余所之

△其十三

有客常同止取捨邈異境一士長獨醉一夫終年醒醒醉還相



笑發言各不領規規一何愚兀傲差若穎寄言酣中客日沒燭

當秉識度。一作獨何炳晉宋間以同居爲同止兩人同居一醉一醒淵明以醒者規規爲愚而醉者傲兀差穎耳

△其十四

故人賞我趣挈壺相與至班荆坐松下數酌已復醉父老雜亂言觴酌失行次不覺知有我安知物爲貴悠悠迷所畱酒中有深味

△其十五

貧士乏人工灌木荒余宅班班有翔鳥寂寂無行蹟宇宙何悠悠人生少至百歲月相從過鬢邊早已白若不委窮達素抱深可惜

三十家詩鈔 卷一 晉 陶潛

七

△其十六

少年罕人事游好在六經行行向不惑淹畱遂無成竟抱窮苦節饑寒飽所更敝廬交悲風荒草沒前庭披褐守長夜晨雞不肯鳴孟公陳遵也不在茲終以翳吾情

△其十七

幽蘭生前庭含薰待清風清風脫然至見別蕭艾中行行失故路任道或能通覺悟當念還烏盡廢良弓烏盡弓藏湯東澗以爲借昔人去國之語喻已歸田之志

△其十八

子雲性嗜酒家貧無由得時賴好事人載醪祛所惑觴來爲之



盡是謬無不塞有時不有言豈不在伐國仁者用其心何嘗失  
顯默識度。未可用柳下惠事蓋以揚雄柳下自比。陶公與親舊亦好縱言。豈論但不言禪代事耳。

其十九

疇昔苦長饑投耒去學仕將養不得節凍餒固纏己是時向立  
年志意多所恥遂盡介然分拂衣歸田里冉冉星氣流亭亭復  
一紀世路廓悠悠楊朱所以止雖無揮金事濁酒聊可恃彭澤之歸  
在義熙元年此云復一紀則賦此飲酒當是義熙十二三年間

其二十

羲農去我久舉世少復真汲汲魯中叟彌縫使其清鳳鳥雖不  
至禮樂暫得新洙泗輟微響漂流逮狂秦詩書復何罪一朝成  
三十家詩鈔 卷二 晉 陶潛 太  
灰塵區區諸老翁爲事誠殷勤如何絕世下六籍無一親終日  
馳車走不見所問津若復不快飲空負頭上巾但恨多謬誤君  
當恕醉人識度

止酒

居止次城邑逍遙自閑止坐止高蔭下步止華門裏好味止園  
葵大懼止稚子平生不止酒止酒情無喜暮止不安寢晨止不  
能起日日欲止之營衛止不理徒知止不樂未信止利己始覺  
止爲善今朝眞止矣從此一止去將止扶桑淡清顏止宿容奚  
止千萬祀首六句止字俱不貼酒說末二句止字亦不貼酒

述酒

舊注儀狄造杜康潤色之。劉裕以毒酒一罌授張  
偉使酖恭帝繼又令兵人踰垣進藥王不肯飲遂掩



殺之國藩按湯文清公漢注述酒詩定爲度辭隱語蓋恭帝哀詩茲摘鈔一二吳師道補湯之說亦附鈔之

重離照南陸鳴鳥聲相聞司馬氏出重黎之後以秋草雖未黃

融風火已分素礫晶修渚南嶽無餘雲此二句言氣數衰謝

已上言晉室南渡國雖未亡而勢已分裂矣豫章抗高門重華固靈墳劉裕初封豫

恭帝禪宋也流淚抱中歎傾耳聽司晨因恭帝之弑故流神州獻佳

粟西靈爲我馴義熙十四年鞏縣人獻嘉禾西靈當諸梁董師

旅芊勝喪其身葉公殺白公勝喻裕山陽歸下國成名猶不勤

諡法不勤成名曰靈。山陽二句以魏降漢獻爲山卜生善斯

牧安樂不爲君安樂公蓋以平生去舊京峽中納遺薰雙陵甫

云育三趾顯奇文王子愛清吹日中翔河汾朱公練九齒閒居

三十家詩鈔卷二 晉 陶潛 九

離世紛卜生句平生入句不甚可峩峩西嶺內偃息常所親天

容自永固彭殤非等倫西嶺當指恭帝所葬之地謂偃息邱山

擬古 榮榮窗下蘭密密堂前柳初與君別時不謂行當久出門萬里

客中道逢嘉友未言心相醉不在接杯酒蘭枯柳亦衰遂令此

言負一作時沒多謝諸少年相知不忠厚意氣傾人命離隔復

何有陳沈曰淵明初辭義熙之辟亦謂時未

其二 辭家夙嚴駕當往志無終問君今何行非商復非戎聞有田子

泰節義爲士雄斯人久已死鄉里習其風生有高世名既沒傳



無窮不學狂馳子直在百年中

田疇字子秦事劉虞虞為公孫瓚所害誓為報讐不遂陶公蓋

以疇自比

△其三

仲春遭時雨始雷發東隅眾蟄各潛駭草木從橫舒翩翩新來燕雙雙入我廬先巢故尙在相將還舊居自從分別來門庭日荒蕪我心固匪石君情定何如

陳沆曰舊巢尙存主人安在燕獨何心忍戀新而忘舊邪

△其四

迢迢百尺樓分明望四荒暮作歸雲宅朝為飛鳥堂山河滿目中平原獨茫茫古時功名士慷慨爭此場一旦百歲後相與還北邙松柏為人伐高墳互低昂頽基無遺主遊魂在何方榮華

三十家詩鈔

卷二

晉 陶潛

二

誠足貴亦復可憐傷

識度。陳沆曰山河功名戰爭慷慨謂平定燕秦之人也

△其五

東方有一士被服常不完三旬九遇食十年著一冠辛苦無此比常有好容顏我欲觀其人晨去越河關青松夾路生白雲宿檐端知我故來意取琴為我彈上絃驚別鶴下絃操孤鸞願畱就君住從今至歲寒

識度。陳沆曰此淵明自詠

△其六

蒼蒼谷中樹冬夏常如茲年年見霜雪誰謂不知時厭聞世上語結友到臨淄稷下多談士指彼決吾疑裝束既有日已與家人辭行行停出門還坐更自思不怨道里長但畏人我欺萬一



不合意永爲世笑嗤伊懷難具道爲君作此詩  
稷下決疑亦詹尹問卜之類淵明不仕之志久定姑託爲訪卜稷下之辭耳

其七

日暮天無雲風扇微和佳人美清夜達曙酣且歌歌竟長歎  
息持此感人多皎皎雲閒月灼灼葉中華豈無一時好不久當

如何  
識度。前六句公自詠後四句歎趨時附勢之人

其八

少時壯且厲撫劍獨行遊誰言行遊近張掖至幽州饑食首陽  
薇渴飲易水流不見相知人惟見古時邱路邊兩高墳伯牙與  
莊周此士難再得吾行欲何求  
首陽易水伯牙莊周陶公之志事可見矣

三十家詩鈔

卷二

晉

陶潛

主

其九

種桑長江邊三年望當采枝條始欲茂忽值山河改柯葉自摧  
折根株浮滄海春蠶旣無食寒衣欲誰待本不植高原今日復  
何悔  
識度。兩晉立國本無苞桑之固干寶論之詳矣末二句似追咎謀國者之不臧

雜詩

人生無根蒂飄如陌上塵分散逐風轉此已非常身落地爲兄  
弟何必骨肉親得歡當作樂斗酒聚比鄰盛年不重來一日難  
再晨及時當勉勵歲月不待人  
落地爲兄弟言隨處相逢皆兄弟也

其二

白日淪西河素月出東嶺遙遙萬里輝蕩蕩空中景風來入房



戶夜中枕席冷氣變悟時易不眠知夕永欲言無子和揮杯勸  
孤影日月擲人去有志不獲騁念此懷悲悽終曉不能靜

其三

榮華難久居盛衰不可量昔爲三春藻今作秋蓮房嚴霜結野  
草枯悴未遽央日月還復周我去不再陽眷眷往昔時憶此斷

人腸

此篇亦感興亡之意

其四

丈夫志四海我願不知老親戚共一處子孫還相保觴絃肆朝  
日尊中酒不燥緩帶盡歡娛起晚眠常阜孰若當世士冰炭滿  
懷抱百年歸邱壟用此空名道

不知老句貫下六句謂自少至老祇在一邱一壑之中與親戚

三十家詩鈔

卷二

晉

陶潛

三

子孫相聚正與四海句相反末四句謂死後縱有空名而生前冰炭滿懷已不勝其苦矣

其五

憶我少壯時無樂自欣豫猛志逸四海騫翮思遠翥荏苒歲月  
頽此心稍已去值歡無復娛每每多憂慮氣力漸衰損轉覺日  
不如壑舟無須臾引我不得住前途當幾許未知止泊處古人  
惜寸陰念此使人懼

其六

昔聞長者言掩耳每不喜奈何五十年忽已親此事求我盛年  
歡一毫無復意去去轉欲遠此生難再值傾家持作樂竟此歲  
月駛有子不畱金何用身後置



其七

日月不肯遲四時相催迫寒風拂枯條落葉掩長陌弱質與運  
頽玄鬢早已白素標插人頭前途漸就窄家為逆旅舍我如當  
去客去去欲何之南山有舊宅

素髮在頭若標識然前途漸窄猶云來日漸短也

其八

代耕祿也本非望所業在田桑躬親未曾替寒餒常糟糠豈期過

滿腹但願飽粳糧御冬足大布羸絺以應陽政爾不能得哀哉

亦可傷人皆盡獲宜拙生失其方理也可奈何且為陶一觴

其方則寒餒乃其理也

其九

三十家詩鈔

卷二

晉

陶潛

三

遙遙從羈役一心處兩端掩淚汎東逝順流追時遷日沒星與  
昂勢翳西山巔蕭條隔天涯惆悵念常餐慷慨思南歸路遐無  
由緣關梁難虧替絕音寄斯篇

淵明未嘗有遠行之役似因故國已亡譬若遠行在外無家可歸託為之辭後二首亦有行役之感不甚可解

其十

閒居執蕩志時駛不可稽驅役無停息軒裳逝東崖沈陰擬薰  
麝寒氣激我懷歲月有常御我來淹已彌慷慨憶綢繆此情久  
已離荏苒經十載暫為人所羈庭宇翳餘木倏忽日月虧

其十一

我行未云遠回顧慘風涼春燕應節起高飛拂塵梁邊鴈悲無



所代謝歸北鄉離鷓鳴清池涉暑經秋霜愁人難爲辭遙遙春夜長

其十二

娟娟松標巖婉變柔童子年始三五閒喬柯何可倚

一作柯條何泮泮又

作華柯真可寄養色含津氣粲然有心理

東坡和陶詩無此篇

詠貧士

萬族各有託孤雲獨無依曖曖空中滅何時見餘暉朝霞開宿

霧眾鳥相與飛遲遲出林翮未夕復來歸量力守故轍豈不寒

與饑知音苟不存己矣何所悲

識度。雲見而隨滅鳥出而復歸皆喻己之甘守故轍早賦歸

來也。湯東澗曰孤雲倦翮以喻舉世皆依乘風雲而已獨無攀緣飛翻之意甯忍飢寒以守志節縱無知此意者亦不足悲

也。三十家詩鈔卷二晉陶潛

其二

淒厲歲云暮擁褐曝前軒南圃無遺秀枯條盈北園傾壺絕餘

漑闕竈不見煙詩書塞座外日昃不遑研閒居非陳厄竊有慍

見言何以慰吾懷賴古多此賢

識度

其三

榮叟老帶索欣然方彈琴原生納決履清歌唱商

一作音重華高非

去我久貧士世相尋敝襟不掩肘藜羹常乏斟豈忘襲輕裘苟

得非所欽賜也徒能辯乃不見吾心

識度

其四



安貧守賤者自古有黔婁好爵吾不榮厚饋吾不酬一旦壽命  
盡敝服仍不周豈不知其極非道故無憂從來將千載未復見  
斯儔朝與仁義生夕死復何求

識度

其五

袁安困積雪邈然不可干阮公見錢入即日棄其官芻藁有常  
溫采莒足朝餐豈不實辛苦所懼非饑寒貧富常交戰道勝無  
戚顏至德冠邦閭清節映西關

其六

仲蔚愛窮居遠宅生蒿蓬翳然絕交游賦詩頗能工舉世無知  
者止有一劉龔此土胡獨然實由罕所同介焉安其業所樂非

三十家詩鈔

卷二

晉

陶潛

五

窮通人事固以拙聊得長相從

莊子曰古之得道者窮亦樂通亦樂所樂非窮通也

其七

昔在黃子廉彈冠佐名州一朝辭吏歸清貧略難儔年饑感仁  
妻泣涕向我流丈夫雖有志固爲兒女憂惠孫一晤歎腆贈竟  
莫酬誰云固窮難邈哉此前修

黃蓋傳云南陽太守黃子廉之後也

詠一疏

湯東潤曰二疏取其歸三良與主同死荆軻爲主報仇皆託古以自見云

大象轉四時功成者自去借問衰周來幾人得其趣游目漢廷  
中二疏復此舉高嘯返舊居長揖儲君傳餞送傾皇朝華軒盈  
道路離別情所悲餘榮何足顧事勝感行人賢哉豈常譽厭厭  
閭里歡所營非近務促席延故老揮觴道平素問金終寄心清



言曉未悟放意樂餘年遑惜身後慮誰云其人亡久而道彌著  
詠三頁

彈冠乘通津但懼時我遺服勤盡歲月常恐功愈微忠情謬獲  
露遂爲君所私出則陪文輿入必侍丹帷箴規嚮已從計議初  
無虧一朝長逝後願言同此歸厚恩固難忘君命安可違臨穴  
罔遲疑投義志攸希荆棘籠高墳黃鳥聲正悲良人不可贖泣  
然霑我衣

詠荆軻

燕丹善養士志在報強嬴招集百夫良歲暮得荆卿君子死知  
已提劍出燕京素驥鳴廣陌慷慨送我行雄髮指危冠猛氣衝

三十家詩鈔

卷二

晉 陶潛

五

長纓飲饑易水上四座列羣英漸離擊悲筑宋意唱高聲蕭蕭  
哀風逝淡淡寒波生商音更流涕羽奏壯士驚心知去不歸且  
有後世名登車何時願飛蓋入秦庭凌厲越萬里逶迤過干城  
圖窮事自至豪主正怔營惜哉劍術疏奇功遂不成其人雖已  
沒千載有餘情

一作斯人久已沒千載有餘情○淮南子  
高漸離宋意爲擊筑而歌於易水之上

○讀山海經

孟夏草木長遶屋樹扶疏眾鳥欣有託吾亦愛吾廬旣耕亦已  
種時還讀我書窮巷隔深轍頰迴故人車歡言酌春酒摘我園  
中蔬微雨從東來好風與之俱汎覽周王傳流觀山海圖俯仰  
終宇宙不樂復何如

識度○周穆天子傳者太康二  
年汲縣民發古冢所獲書也



其二

玉臺凌霞秀王母怡妙顏天地共俱生不知幾何年靈化無窮

已館宇非一山高酣發新謠甯效俗中言

山海經云玉山王母所居郭璞注云王母

亦有離宮別館不專住一山也○穆天子傳西王母宴穆王於瑤池之上為天子謠曰云云

其三

迢遞槐江嶺是謂玄圃邱西南望崑墟光氣難與儔亭亭明玕

照落落清瑤流恨不及周穆託乘一來游

西山經槐江之山其上多琅玕實惟帝之

玄圃南望崑崙其光熊熊其氣魂魄爰有瑤流其清洛洛

其四

丹木生何許迺在崑山陽黃花復朱實食之壽命長白玉凝素

三十家詩鈔

卷二

晉

陶潛

七

液瑾瑜發奇光豈伊君子寶見重我軒黃

崑音密山海經云崑山上多丹木黃華而

赤實丹木出焉其中多白玉是有玉膏黃帝是食是饗

其五

翩翩三青鳥毛色奇可憐朝為王母使暮歸三危山我欲因此

鳥具向王母言在世無所須惟酒與長年

山海經云三青鳥主為西王母取食又曰

三危之山三青鳥居之

其六

逍遙蕪皋上杳然望扶木洪柯百萬尋森散覆暘谷靈人侍丹

池朝朝為日浴神景一登天何幽不見燭

東山經蕪皋之山東望博木海外東經暘

谷上有扶桑十日所浴



其七

粲粲三珠樹寄生赤水陰亭亭凌風桂八幹共成林靈鳳撫雲

舞神鸞調玉音雖非世上寶爰得王母心山經云三珠樹生赤水上○桂林入樹在

番隅東八樹而成林言其大也○  
載民之國鸞鳥自歌鳳鳥自舞

其八

自古皆有沒何人得靈長不死復不老萬歲如平常赤泉給我

飲員邱足我糧方與三辰游壽考豈渠央山經云不死民在交脛國東其人黑色壽

不死

其九

夸父誕宏志乃與日競走俱至虞淵下似若無勝負神力既殊

二十家詩鈔

卷二

晉陶潛

天

妙傾河焉足有餘蹟寄鄧林功竟在身後

其十

精衛銜微木將以填滄海刑天舞干戚猛志故常在同物既無

慮化去不復悔徒設在昔心良晨詎可待山經云精衛炎帝之少女名曰女娃游於

東海溺而不返常銜西山之木石以堙東海○刑天獸名也日中好御干戚而舞

其十一

巨猾肆威暴欽鴟違帝旨窳窳強能變祖江遂獨死明明上天

鑒為惡不可履長枯固已劇鷓鴣豈足恃

其十二

鷓鴣當作鷓鴣見城邑其國有放士念彼懷王世當時數來止青邱



有奇鳥自言獨見爾本爲迷者生不以喻君子

其十三

巖巖顯朝市帝者慎用才何以廢共鯨重華爲之來仲父獻誠  
言姜公乃見猜臨沒告饑渴當復何及哉鯨竊帝之息壤以堙  
洪水帝令祝融殺之

羽邱○仲父請去豎  
刁三子齊桓公不聽

擬挽歌辭

有生必有死早終非命促昨暮同爲人今旦在鬼錄魂氣散何  
之枯形寄空木嬌兒索父啼良友撫我哭得失不復知是非安  
能覺千秋萬歲後誰知榮與辱但恨在世時飲酒不得足

其二

三十家詩鈔

卷一

晉 陶潛

无

在昔無酒飲今日湛空觴春醪生浮蟻何時更能嘗殺案盈我  
前親舊哭我旁欲語口無音欲視眼無光昔在高堂寢今宿荒  
草鄉一朝出門去歸來夜未央

其三

荒草何茫茫白楊亦蕭蕭嚴霜九月中送我出遠郊四面無人  
居高墳正崔嵬馬爲仰天鳴風爲自蕭條一作鳥爲動哀  
鳴林爲結風颯幽室  
一已閉千年不復朝千年不復朝賢達無奈何向來相送人各  
自還其家親戚或餘悲他人亦已歌死去何所道託體同山阿

桃花源詩

記

晉太元中武陵人捕魚爲業緣溪行忘路之遠近忽逢



桃花林夾岸數百步中無雜樹芳草鮮美落英繽紛漁人甚異之復前行欲窮其林林盡水源便得一山山有小口髣髴若有光便捨船從口入初極狹纔通人復行數十步豁然開朗土地平曠屋舍儼然有良田美池桑竹之屬阡陌相通雞犬相聞其中往來種作男女衣著悉如外人黃髮垂髻竝怡然自樂見漁人乃大驚問所從來具答之便要還家設酒殺雞作食村中聞有此人咸來問訊自云先世避秦時亂率妻子邑人來此絕境不復出焉遂與外人間隔問今是何世乃不知有漢無論魏晉此人一一爲具言所聞皆歎惋餘人各復延至家皆出酒食停數日辭去此中人語云不足爲外人道也既出得其船便扶向路處處誌之及郡下詣太守說如此太守卽遣人隨其往尋向所誌遂迷不復得路南陽劉子驥高尙士也聞之欣然規往一本有游未果尋病終後遂無問津者

嬴氏亂天紀賢者避其世黃綺之商山伊人亦云逝往蹟浸復湮來逕遂蕪廢相命肆農耕日入從所憩桑竹垂餘蔭菽稷隨時藝春蠶收長絲秋熟靡王稅荒路曖交通雞犬互鳴吠俎豆猶古法衣裳無新製童孺縱行歌斑白歡游詣草榮識節和木衰知風厲雖無紀歷誌四時自成歲怡然有餘樂於何勞智慧



奇蹤隱五百一朝做神界瀉薄既異源旋復還幽蔽借問遊方士焉測塵囂外願言躡輕風高舉尋吾契

謝康樂五古六十五首文選錄者以識之

○述祖德詩

序曰太元中王父龕定淮南負荷世業尊主隆人逮賢相祖謝君子道消拂衣蕃岳考卜東山事同樂生之時

志期范蠡之舉

達人貴自我高情屬天雲兼抱濟物性而不嬰垢氛段生藩魏國展季救魯人弦高犒暗師暗舊作晉呂氏春秋載秦三帥對注曰暗國名也仲連卻秦軍臨組乍不緹對珪甯有分惠物辭

大國之地高誘

宋謝靈運

三

所賞勵志故絕人茗茗歷千載遙遙播清塵清塵竟誰嗣明哲垂經綸明哲指祖玄也委講綴道論改服康世屯屯難既云康尊主隆

斯民工律

○其二

中原昔喪亂喪亂豈解已崩騰永嘉末偏迫太元始永嘉懷帝年號太元年號

孝武年號河外無反正江介有蹠圯萬邦咸震懼橫流賴君子拯溺

繇道情龕暴資神理秦趙欣來蘇燕魏遲文軌賢相謝世運遠

圖因事止高揖七州外拂衣五湖裏隨山疏濬潭傍巖藝枌梓

遺情捨塵物貞觀邱壑美工律。河外謂洛陽西晉一失不復反正也江介謂金陵東晉疆宇日蹙

也賢相謂祖玄也。舜分十二州東晉時有其七故曰七州



○九日從宋公戲馬臺集送孔令武帝為宋公在彭城九日出頂羽戲馬臺。孔靖字

季恭宋臺初建以為尚書令讓不受  
辭謝東歸高祖餞之百僚咸賦詩

季秋邊朔苦旅鴈違霜雪淒淒陽卉腓皎皎寒潭絜潔良辰感

聖心雲旗興暮節鳴葭戾朱宮蘭卮獻時哲餞宴光有孚和樂

隆所缺在宥天下理吹萬羣方悅歸客遂海隅脫冠謝朝列弭

棹薄枉渚指景待樂闕河流有急瀾浮驂無緩轍豈伊川途念

宿心愧將別彼美邱園道喟焉傷薄劣時哲歸客皆指孔令也  
毛詩序曰鹿鳴廢則和

樂缺矣此云隆所缺謂尚有鹿鳴之意孔以  
養素為榮而已以戀位為辱故云愧將別

○從遊京口北固應詔

玉璽戒誠信黃屋示崇高事為名教用道以神理超昔聞汾水

三十家詩鈔

卷二

宋 謝靈運

三

遊今見塵外鑣鳴笳發春渚稅鑾登山椒張組眺倒景吳都賦  
張組帷

搆流列筵矚歸潮遠巖映蘭薄白日麗江皋原隰萸綠柳墟囿

散紅桃皇心美陽澤萬象咸光昭顧已枉維繫撫志慙場苗工

拙各所宜終以反林巢曾是縈舊想覽物奏長謠玉璽黃屋二  
事皆因辨名

教而立之等威也若道則  
有超乎二事之外者矣

○承初三年七月十六日之郡初發都沈約宋書高祖承初  
三年五月崩少帝即

位出靈運為永嘉郡守少  
帝猶未改元故云承初

述職期闕暑理棹變金素秋岸澄夕陰火旻團朝露辛苦誰為

情遊子值頽暮愛似莊念昔久敬曾存故莊子夫越之流人去  
國旬月見所嘗見於

國中喜及期年也見似人而喜矣韓詩外傳曾子曰少而學長  
而忘之一費也事君有功輕而負之二費也久友交而中絕三



費如何懷土心持此謝遠度李牧愧長袖卻克慚躡步戰國策李牧至

趙王使韓蒼數之曰王錫將軍將軍為壽裨也首當死牧曰身大臂短不能及地故使工人為木杖以接手上若弗信請視之

左傳邵克徵會於齊頃公帷婦良時不見遺醜狀不成惡曰余

人使觀之邵子登婦人笑於房

亦支離依方早有慕莊子支離疏者頤隱於齊肩高於頂會撮

子反子琴張或鼓琴相和也

歌孔子曰彼遊方之外者也

也空班趙氏璧徒乖魏王瓠莊子魏王貽我大瓠之種我樹之

舉剖以為瓢則瓠落而無所容非從來漸二紀始得傍歸路靈

不枵然大矣吾為其無用捨之

之永嘉必塗經始甯故宅及祖父邱墓

皆在始甯故曰傍歸路始甯今上虞也將窮山海蹟永絕賞心

鄰里相送至方山

三十家詩鈔

卷二

宋 謝靈運

三

祇役出皇邑相期憩甌越解纜及流潮懷舊不能發析析就衰

林皎皎明秋月含情易為盈遇物難可歇積痼謝生慮寡慾罕

所闕資此永幽棲豈伊年歲別各勉日新志音塵慰寂蔑資寡

理為幽棲之道豈止年歲之別將有終焉之志

過始甯墅

沈約宋書靈運父祖並葬始甯縣並有故宅及

墅遂修營舊業及幽居之美水經注曰始甯縣

東髮懷耿介逐物遂推遷違志似如昨二紀及茲年緇磷謝清

曠疲茶慙貞堅拙疾相倚薄還得靜者便剖竹守滄海守永

帆過舊山過始甯山行窮登頓水涉盡洄沿巖峭嶺稠疊洲縈渚

連綿白雲抱幽石綠篠媚清漣葺宇臨迴江築觀基曾巔揮手



告鄉曲三載期歸旋且爲樹枌檟無令孤願言

工律

○富春渚

宵濟漁浦潭旦及富春郭定山緬雲霧赤亭無淹薄遡流鶻驚

急臨圻阻參錯亮之伯昏分險過呂梁壑

列子伯昏無人臨百仞之泉背遂巡足二分垂在外揖禦寇而進禦寇伏地汗流至踵無入曰至人上闕

青天下潛黃泉神氣不變今汝殆矣又孔子觀於呂梁懸水三十仞流沫三十里龜鼃魚鼈不能游也海至宜便習兼山貴止託平生協幽期淪

躡困微弱久露千祿請始果遠遊諸宿心漸申寫萬事俱零落

懷抱既昭曠外物徒龍螭

徒龍螭云者聽其或屈或伸於己心了若無與也

○七里瀨

羈心積秋晨晨積展遊眺孤客傷逝湍徒旅苦奔峭石淺水潺

三十家詩鈔

卷二

宋 謝靈運

詩

浚日落山照曜荒林紛沃若哀禽相叫嘯遭物悼遷斥存期得

要妙

物外物也

既乘上皇心

五臣作情莊子監照下土天下載之此謂上皇豈屑末代

謂目覩嚴子瀨想屬任公釣

莊子任公子爲大鉤巨綸五十犗以爲餌投竿東海暮年不得魚已

而得大魚濶河以東蒼梧以北莫不厭若魚也誰謂古今殊異代可同調

○晚出西射堂

永嘉郡射堂

步出西城門遙望城西岑連障疊嶸嶸青翠杳深沈曉霜楓葉

丹夕薰嵐氣陰節往感不淺感來念已深羈雌戀舊侶迷鳥懷

故林含情尙勞愛如何離賞心

選注言鳥含情尙知勞愛撫鏡

華緇鬢攬帶緩促杓安排徒空言幽獨賴鳴琴

○登池上樓

永嘉郡池上樓



潛虬媚幽姿飛鴻響遠音薄霄愧雲浮棲川怍淵沈進德智所

拙退耕力不任徇祿反窮海臥痾對空林衾枕昧節候塞開暫

窺臨傾耳聆波瀾舉目眺嶠嶽初景革緒風新陽改故陰神農本草

日春夏為陽池塘生春草園柳變鳴禽秋冬為陰祁祁傷幽歌萋萋感楚

吟索居易永久離羣難處心持操豈獨古無悶徵在今選注虬

而葆真鴻以高飛而遠害今以嬰俗網故有愧虬鴻也

○遊南亭永嘉郡南亭

時竟夕澄霽雲歸日西馳密林含餘清遠峯隱半規久痾昏墊

苦旅館眺郊岐澤蘭漸被徑芙蓉始發池未厭青春好已觀朱

明移戚戚感物歎星星白髮垂藥餌情所止衰疾忽在斯逝將

三十家詩鈔

卷二

末

謝靈運

三

候秋水息景偃舊巖我志誰與亮賞心惟良知

○遊赤石進帆海

永嘉安固二縣中路東南便是赤石又枕海

首夏猶清和芳草亦未歇水宿淹晨暮陰霞屢興沒周覽倦瀛

孺況乃凌窮髮川后時安流天吳靜不發揚帆采石華掛席拾

海月溟漲無端倪虛舟有超越仲連輕齊組明海上子牟眷魏

闕言雖悅海上仍不忘朝廷矜名道不足適己物可忽請附任公言終然謝

天伐律工

○登江中孤嶼永嘉江也

江南倦厯覽江北曠周旋懷新道轉迴尋異景不延亂流趨正

絕孤嶼媚中川雲日相輝映空水共澄鮮表靈物莫賞蘊真誰



爲傳想象崑山姿，緬邈區中緣。始信安期術，得盡養生年。律工

登永嘉綠嶂山詩

裏糧杖輕策，懷遲上幽室。行源逕轉遠，距陸情未畢。澹澹結寒  
姿，團團潤霜質。澗委水屢迷，林迴巖逾密。眷西謂初月，顧東宜  
落日。一作殘夕奄昏曙，蔽翳皆周悉。蠱上貴不事，履二美貞吉。

幽人常坦步，高尚邈難匹。頤阿竟何端，寂寂寄抱一。恬如既已

交，繕性自此出。

郡東山望溟海詩一作東山望海

開春獻初歲，白日出悠悠。蕩志將愉樂，瞰海庶忘憂。策馬步蘭

皋，縱控息椒邱。采蕙遵大薄，攀若履長洲。白花臨陽林，紫藟一作

二十家詩鈔

卷二

宋

謝靈運

美

眺。春流非徒不弭，忘覽物情彌。道萱蘇始無慰，寂寞終可求。

遊嶺門山詩

西京誰修政，龔汲稱良吏。君子豈定所，清塵慮不嗣。早洫建德

鄉，民懷虞芮意。海岸常寥寥，空館盈清思。協以上冬月晨遊肆

所喜，千圻邈不同。萬嶺狀皆異，威摧三山峭。滌汨兩江駛，威摧滌汨

皆疊韻連綿字魚舟豈安流。樵拾謝西芘，人生誰云樂。貴不屈所志。

石室山詩

清旦索幽異，放舟越坳郊。莓莓蘭渚急，藐藐苔嶺高。石室冠林

陬，飛泉發山椒。虛泛徑千載，崢嶸非一朝。鄉村絕聞見，樵蘇限

風霄。微戎無遠覽，總羨升喬靈。域久韜隱如，與心賞交合歡。



不容言摘芳弄寒條

登上戍石鼓山詩

旅人心長久憂憂自相接故鄉路遙遠川陸不可涉汨汨莫與  
娛發春託登躡歡願既無竝戚慮庶有協一作怯極目睠左闕迴  
顧眺右狹日末澗增波雲生嶺逾疊白芷競新苔綠蘋齊初葉  
摘芳芳靡諛愉樂樂不變佳期緬無象騁望誰云愜

行田登海口盤嶼山

羈苦孰云慰觀海藉朝風莫辨洪波極誰知大壑東依稀采菱  
歌髣髴含噸容遨遊碧沙渚遊衍丹山峯

白石巖下徑行田

三十家詩鈔

卷二

宋

謝靈運

七

小邑居易貧災年民無生知淺懼不周愛深憂在情舊業橫海  
外蕪穢積頽齡饑饉不可久甘心務經營千頃帶遠堤萬里瀉  
長汀洲流涓澮合連統塍埒并雖非楚宮化荒闕亦黎明雖非  
鄭白渠每歲望東京天鑿儻不孤來茲驗微誠

○齋中讀書

昔余遊京華未嘗廢邱壑矧乃歸山川心跡雙寂寞虛館絕諍  
訟空庭來鳥雀臥疾豐暇豫翰墨時間作懷抱觀古今寢食展  
戲謔既笑沮溺苦又哂子雲閣執戟亦以疲耕稼豈云樂萬事  
難竝歡達生幸可託

律工

命學士講書



臥病同淮陽宰邑曠武城弦歌愧言子清淨謝汲生古人不可攀何以報恩榮時往歲易周聿來政無成曾是展余心招學講羣經鑠金既云刃凝土亦能型望爾志尙隆遠嗣竹箭聲敢謂荀氏訓且布蘭陵情待罪豈久期禮樂俟賢明

種桑詩

詩人陳條柯亦有美攘剔前脩爲誰故後事資紡績常佩知方誠愧微富教益浮陽鶩嘉月藝桑追閒隙疏欄發近邾長行達廣場曠流始皖泉緬塗猶跬跡俾此將長成慰我海外役

○初去郡

彭薛裁知恥貢公未遺榮

漢書王莽秉政專權彭宣上書乞骸骨又薛廣德爲御史大夫乞骸骨班

三十家詩鈔

卷二

宋謝靈運

庚

固述曰廣德當宣近於知恥又貢禹爲光祿大夫上書乞骸骨鍾會有遺榮賦或可優貪競豈足稱達

生伊余秉微尙拙訥謝浮名廬園當棲巖卑位代躬耕顧己雖

自許心迹猶未并無庸方周任有疾像長卿畢娶類尙子薄遊

似邴生恭承古人意促裝返柴荆牽絲及元興解龜在景平

初任解龜去官也臧榮緒晉書曰安帝卽位改元曰元興靈運初爲琅邪王行軍參軍沈約宋書曰少帝卽位改元曰景平應璩詩不悞牽朱絲三署來負心二十載於今廢將迎理棹遄還

相尋漢書黃金印龜紐期遵渚鷺修坰遡溪終水涉登嶺始山行野曠沙岸淨天高秋

月明憩石挹飛泉攀林蹇落英戰勝臞者肥鑿止流歸停

韓子日吾入見先王之義則榮之出見富貴又榮之二者戰於胸臆

故臞今見先王之義戰勝故肥也文子莫監於流潦而監於止

水卽是義唐化獲我擊壤情

一作聲



○田南樹園激流植援

樵隱俱在山繇來事不同不同非一事養痾亦園中

樵者在山隱者亦在

山老圃在園吾之養痾亦在園所以

在園者亦不同故曰不同非一事中園屏氛雜清曠招遠風

卜室倚北阜啟扉面南江激澗代汲井

流激插槿當列墉植援羣木

既羅戶

樹園

眾山亦當窗靡迤趨下田

南迢遞瞰高峯寡欲不期

勞卽事罕人功唯開蔣生徑永懷求羊蹤賞心不可忘妙善冀

能同

首尾兩押同韻

○石壁精舍還湖中作

昏旦變氣候山水含清暉清暉能娛人遊子憺

也安

忘歸出谷日

尚早入舟陽已微林壑斂暝色雲霞收夕霏芰荷迭映蔚蒲稗

三十家詩鈔

卷二

宋

謝靈運

完

相因依披拂趨南逕愉悅偃東扉慮澹物自輕意愜理無違寄

言攝生客試用此道推

律工

○登石門最高頂

晨策尋絕壁夕息在山棲疏峯抗高館對嶺臨迴溪長林羅戶

穴積石擁階基連巖覺路塞密竹使徑迷來人忘新術去子惑

故蹊活活夕流駛噉噉夜猿啼沈冥豈別理守道自不攜心契

九秋翰目翫三春萸居常以待終處順故安排惜無同懷客共

登青雲梯

○石門新營所住四面高山迴溪石瀨茂林修竹

躋險築幽居披雲臥石門苔滑誰能步葛弱豈可捫嫋嫋秋風



過萋萋春草繁美人遊不還佳期何繇敦芳塵凝瑤席清醕滿  
金樽洞庭空波瀾桂枝徒攀翻結念屬霄漢孤景莫與諉俯濯  
石下潭仰看條上猿早聞夕飆急晚見朝日曛巖傾光難畱林  
深響易奔感往慮有復理來情無存庶持乘日車得以慰營魂  
匪爲眾人說冀與智者論

○於南山往北山經湖中瞻眺

朝旦發陽巖

南景落憩陰峯

北舍舟眺迴渚

經湖中

停策倚茂松

側逕既窈窕環舟亦玲瓏  
俛視喬木杪仰聆大壑濃

水會也毛萇曰深

石橫水分流林密蹊絕蹤

解作竟何感升長皆丰容

升解作

撫化心無厭覽物眷彌重不惜去人遠但恨莫與同孤遊非情

歎賞廢理誰通

○從斤竹澗越嶺溪行

猿鳴誠知曙谷幽光未顯巖下雲方合  
花上露猶泫透迤傍隈

隩

澗迢遞陟陁峴

嶺

過澗既厲急登棧亦陵緬川渚屢徑復

乘流翫迴轉蘋萍泛沈深菰蒲冒清淺  
企石挹飛泉攀林摘菓

卷想見山阿人薜蘿若在眼握蘭勤徒結折麻心莫展情用賞

爲美事昧竟難辨觀此遺物慮一悟得所遣

律工

過白岸亭詩

拂衣遵沙垣緩步入蓬屋近澗涓密石遠山映疏木空翠難強



名漁釣易爲曲援蘿聆青巖春心自相屬交交止榭黃吻食  
萍鹿傷彼人百哀嘉爾承筐樂榮悴迭去來窮通成休憾未若  
長疏散萬事恆抱樸

夜宿石門詩

拾遺作石門巖上宿

朝牽苑中蘭畏彼霜下歇暝還雲際宿美此石上月鳥鳴識夜  
棲木落知風發異音同至聽殊響俱清越妙物莫爲賞芳醕誰  
與伐美人竟不來陽阿徒晞髮

○南樓中望所遲客

杳杳日西頽漫漫長路迫登樓爲誰思臨江遲來客與我別所  
期期在三五夕圓景早已滿佳人殊未適卽事怨睽攜感物方

二十家詩鈔

卷二

宋謝靈運

望

悽感孟夏非長夜晦明如歲隔瑤華未堪折蘭若已屢摘路阻  
莫贈問云何未離析搔首訪行人引領冀良覲

○廬陵王墓下作

宋武帝子義真爲廬陵王聰敏好文常與靈運往來會少帝失德議廢立次在廬陵

徐羨之等奏廢廬陵爲庶人旋殺之因遷靈運後知無罪召還文帝問曰南來何所作對曰過廬陵墓作一篇

曉月發雲陽落日次朱方含悽泛廣川灑淚眺連岡眷言懷君

子沈痛切中腸道消絕憤懣運開申悲涼神期恆若存德音初

不忘徂謝易永久松柏森已行延州協心許

新序延陵季子聘晉帶寶劍過徐君

徐君色欲之已心許矣反則徐君死於是劍挂徐君墓而去楚老惜蘭芳

漢書龔勝楚人也勝卒有老父弔曰

薰以香自燒膏以明自銷解劍竟何及撫墳徒自傷平生疑若

人通蔽互相妨若人謂延州及楚老也桓子新論曰漢高祖功侔湯武及病歸之天命誤矣此必通人而蔽者



也理感深情慟定非識所將已上八句言向疑吳札楚老爲情所蔽今已亦因情至而過勵雖有識亦不能自將也將猶持也脆促良可哀天枉特兼常漢書張竦曰效子者難將猶云一  
隨往化滅安用空名揚舉身泣已漑長歎不成章律工

○還舊園作見顏范二中書顏延之范泰也

辭滿豈多秩謝病不待年偶與張邴合張良邴漢也久欲還東山聖

靈昔迴眷謂宋高祖微尙不及宣謂歸隱之志未遽宣陳也何意衝飆激烈火縱

炎煙焚玉發崑峯餘燎遂見遷沈約宋書少帝卽位權在大臣靈運非毀執政徐羨之等患之

出爲丞嘉太守投沙理既迫如邴願亦愆投沙以賈誼自況如邴以司馬相如自況也長與

歡愛別永絕平生緣浮舟千仞壑總轡萬尋巔流沫不足險石

林豈爲艱閭中安可處日夜念歸旋事蹟兩如直言媿不似史魚兩如矢之

三十家詩鈔 卷二 宋 謝靈運 望

直心愜三避賢言慕容叔敖三去相之賢也兩如三避歇後語究未穩愜託身青雲上棲巖

挹飛泉盛明盪氛昏貞休康屯遄指宋武帝殊方感成貸微物豫采

甄謂已昔疑蒙召用感深操不固質弱易扳纏曾是反昔園語往實款然

疑當作 曩基卽先築故池不更穿果木有舊行壤石無遠延雖

非休憩地聊取永日閒衛生自有經息陰謝所牽夫子照清素

投懷授往篇

○酬從弟惠連惠連西陵遇風獻康樂詩見本集

寢瘵謝人徒滅迹入雲峯巖壑寓耳目歡愛隔音容永絕賞心

望長懷莫與同末路值令弟開顏披心胸此章喜惠連之來會

○其二



心胸既云披意得成在茲凌澗尋我室散帙問所知夕慮曉月  
流朝忌曛日馳晤對無厭歇聚散成分離此章喜其聚而慮其離

。其三

分離別西川迴景歸東山別時悲已甚別後情更延傾想遲嘉  
音果枉濟江篇辛勤風波事款曲洲渚言此章敘別後得其來詩

。其四

洲渚既淹時風波子行遲務協華京想詎存空谷期猶復惠來  
章祇足攬余思儻若果歸言共陶暮春時

。其五

暮春雖未交仲春善遊遨山桃發紅萼野蕨漸紫苞嚶鳴已悅  
二十家詩鈔 卷二 宋 謝靈運 望

豫幽居猶鬱陶夢寐仁歸舟釋我吝與勞

。登臨海嶠初發疆中作與從弟惠連可見羊何其和之集作

登臨海嶠與從弟惠連一首

杪秋尋遠山山遠行不近與子別山阿含酸赴修軫中流袂就  
判欲去情不忍顧望脰未悵陸彥聲詩曰相思心既勞相望汀脰亦悵說文曰痠疲也與悵通汀

曲舟已隱

。其二

隱汀絕望舟鷺棹逐驚流欲抑一生歡竝奔千里遊日落當棲  
薄繫纜臨江樓豈惟夕情斂憶爾共淹留

。其三



淹留昔時歡復增今日歎茲情已分慮況乃協悲端秋泉鳴北澗哀猿響南巒戚戚新別心悽悽久念攢

其四

攢念攻別心旦發清溪陰暝投剡中宿明登天姥岑高高入雲霓還期那可尋儻遇浮邱公長絕子微音

初發石首城

沈約宋書靈運陳疾東歸會稽太守孟顓表其有異志靈運馳往京都詣闕上表太祖知其見誣不罪也

白圭尚可磨斯言易為緇雖抱中孚爻猶勞貝錦詩寸心若不

亮微命察如絲日月垂光景指宋太祖成貨遂兼茲性命又予以官

出宿薄京畿晨裝搏曾颺曾颺猶層颺也搏字用兼茲重經

三十家詩鈔

卷二

宋謝靈運

罌

平生別再與朋知辭前之永嘉今適臨川故曰再與朋知辭故山日已遠風波豈

還時迢迢萬里帆茫茫終何之遊當羅浮行息必廬霍期越海

陵三山遊湘歷九嶷欽聖若旦暮懷賢亦悽其皎皎明發心不

為歲寒欺

入東道路詩

整駕辭金門命旅惟詰朝懷居顧歸雲指塗泝行颿屬值清明節榮華感和韶陵隰繁綠杞墟囿粲紅桃鷺鷥羣方雒織織麥垂苗隱眇邑里密緬邈江海遼滿目皆古事心賞貴所高魯連謝千金延州權去朝行路既經見願言寄吟謠

道路憶山中



采菱調易急江南歌不緩楚人心昔絕越客腸今斷斷絕雖殊  
念俱爲歸慮款存鄉爾思積憶山我憤懣越客靈運自謂楚人指屈原存鄉句亦指  
屈莊子曰夫吹萬不同而使之自己言情已止矣不解因何復纂也追尋棲息時偃臥任縱誕得性非外求自己爲誰纂已止也纂繼也  
流激浮湍息陰倚密竿協古懷故曰切懷故曰新歡含悲忘春暖悽悽明  
月吹惻惻廣陵散殷勤訴危柱慷慨命促管

○入彭蠡湖口

客遊倦水宿風潮難具論洲島驟迴合圻岸屢崩奔乘月聽哀  
狖汜露馥芳蓀春晚綠野秀巖高白雲屯千念集日夜萬感盈  
朝昏攀巖照石鏡牽葉入松門三江事多往九派理空存靈物  
三十家詩鈔 卷二 宋 謝靈運 署

爰珍怪異人祕精魂金膏滅明光水碧綴流溫徒作千里曲絃  
絕念彌敦

○入華子岡是麻源第三谷

南州實炎德桂樹陵寒山銅陵映碧澗石磴瀉紅泉旣枉隱淪  
客亦棲肥遁賢險徑無測度天路非術阡遂登羣峯首邈若升  
雲煙羽人絕髣髴丹邱徒空筌圖牒復磨滅碑版誰聞傳莫辨  
百代後安知千載前且申獨往意乘月弄潺湲恆充俄頃用豈  
爲古今然

登歸瀨三瀑布望兩溪

我行乘日垂放舟候月圓沫江免風濤涉清弄漪漣積石竦兩



溪飛泉倒三山亦既窮登陟荒藹橫目前窺巖不覩景披林豈  
見天陽烏尙傾翰幽篁未爲遭退尋平常時安知巢穴難風雨  
非攸恡擁志誰與宣儻有同枝條此日卽千年

初往新安桐廬口

絺綌雖淒其授衣尙未至感節良已深懷古徒役思不有千里  
棹孰申百代意遠協尙子心遙得許生計旣及冷風善又卽秋  
水駛江山共閒曠雲日相照媚景夕羣物清對玩咸可熹

○擬魏太子鄴中集詩八首

並序

建安末余時在鄴宮朝遊夕讌究歡愉之極天下良辰

美景賞心樂事四者難并今昆弟友朋二三諸彥共盡

三一家詩鈔

卷二

宋

謝靈運

吳

之矣古來此娛書籍未見何者楚襄王時有宋玉唐景  
梁孝王時有鄒枚嚴馬遊者美矣而其主不文漢武帝  
徐樂諸才備應對之能而雄猜多忌豈獲晤言之適不  
誣方將席必賢於今日爾歲月如流零落將盡撰文懷  
人感往增愴其辭曰

魏太子

百川赴巨海眾星環北辰照灼爛霄漢遙裔起長津天地中橫  
潰家王拯生民區宇旣蕩滌羣英必來臻忝此欽賢性繇來常  
懷仁況值眾君子傾心隆日新論物靡浮說析理實敷陳羅縷  
豈闕辭窈窕究天人澄觴滿金罍連榻設華茵急絃動飛聽清



歌拂梁塵莫言相遇易此歡信可珍

工律

○王粲 家本秦川貴公子孫遭亂流寓自傷情多

幽厲昔崩亂桓靈今板蕩伊洛既燎煙函峒沒無象整裝亂秦

川秣馬赴楚壤

粲至荆州也

沮漳自可美客心非外獎常歎詩人言

式微何繇往上宰奉皇靈

指魏武帝

侯伯咸宗長雲騎亂漢南宛郢

皆掃盪

謂平劉表也

排霧屬盛明披雲對清朗慶泰欲重疊公子特

先賞不謂息肩願一旦值明兩竝載遊鄴京方舟泛河廣綢繆

清讌娛寂寥梁棟響既作長夜飲豈顧乘日養

工律

○陳琳 袁本初書記之士故述喪亂事多

皇漢逢迤邐天下遭氛慝董氏淪關西袁家擁河北單民易周

三十家詩鈔

卷二

宋

謝靈運

四

章窘身就羈勒豈意事乖己永懷戀故國相公實勤王

指魏武帝

能定螯賊復覩東郡輝重見漢朝則餘生幸已多矧迺值明德

指魏文也

愛客不告疲餘讌遺景刻夜聽極星闌朝遊窮曠黑哀哇

動梁埃急觴盪幽默且盡一日娛莫知古來惑

工律

○徐幹 少無宦情有箕穎之心事故仕世多素辭

伊昔家臨淄提攜弄齊瑟置酒飲膠東淹畱憩高密此歡謂可

終外物始難畢搖蕩箕濮情窮年迫憂慄未塗幸休明棲集建

薄質已免負薪苦仍遊椒蘭室清論事究萬美話信非一行觴

奏悲歌永夜繼白日華屋非蓬居時髦豈余匹中飲顧昔心悵

馬若有失

工律○說苑晉靈公欲殺趙宣孟而飲之酒宣孟知之中飲而出國藩按中飲猶曰酒半也鄭注天官小



宰中字別之三國志周倫傳中  
江舉帆兩中字與中飲略同

○劉楨 卓犖偏人而文最有氣所得頗經奇

貧居晏里閑少小長東平河究當衝要淪飄薄許京廣川無逆  
流招納厠羣英北渡黎陽津南登宛郢城既覽古今事頗得治  
亂情歡友相解達敷奏究平生矧荷明哲顧知深覺命輕朝遊  
牛羊下暮坐括揭鳴終歲非一日傳厄弄清聲辰事既難諧歡  
願如今并唯羨肅肅翰續紛矣高冥工律○括揭鳴疑當作時  
揭鳴揭與桀音義同揭  
鳴卽雞鳴謂晨也朝遊則  
至於夕暮坐則達於晨也

○應瑒 汝穎之士流離世故頗有飄薄之歎

嗷嗷雲中鴈舉翮自委羽求涼弱水湄違寒長沙渚顧我梁川

三十家詩鈔

卷二

宋

謝靈運

吳

時緩步集穎許一旦逢世難淪薄恆羈旅天下昔未定託身早  
得所官渡厠一卒烏林預艱阻晚節值眾賢會同庇天宇列坐  
蔭華榱金樽盈清醕始奏延露曲繼以闌夕語調笑輒酬答嘲  
謔無慚沮傾軀無遺慮在心良已敘工律

○阮瑀 管書記之任故有優渥之言

河洲多沙塵風悲黃雲起金羈相馳逐聯翩何窮已慶雲惠優  
渥微薄攀多士念昔渤海時南皮戲清沚今復河曲遊鳴葭汎  
蘭汜躡步陵丹梯竝坐待君子妍談既愉心哀音信睦耳傾酌  
係芳醕酌言豈終始自從食萍來惟見今日美工律

○平原侯植 公子不及世事但美遨遊然頗有憂生之



嗟

朝遊登鳳閣日暮集華沼傾柯引弱枝攀條摘蕙草徙倚窮騁  
望目極盡所討西顧太行山北眺邯鄲道平衢修且直白楊信  
裊裊副君命飲宴謂文帝也歡娛寫懷抱良遊匪晝夜豈云晚與早  
眾賓悉精妙清辭灑蘭藻哀音下迴鶻餘哇徹清昊中山不知  
醉飲德方覺飽願以黃髮期養生念將老工律

石壁立招提精舍

四城有頓蹟三世無極已浮歡昧眼前沈照貫終始壯齡緩前  
期頽年追暮齒揮霍夢幻頃飄忽風電起良緣迫未謝時逝不  
可俟敬擬靈鷲山尙想祇洹軌絕漚飛庭前高林映窗裏禪室  
三十家詩鈔卷二 宋 謝靈運 兜

棲空觀講宇析妙理

過瞿溪山僧

迎旭凌絕磴映泫歸澈浦鑽燧斷山木掩岸堦石戶結架非丹  
葢藉田資宿莽同遊息心客曖然若可覩清霄颺浮煙空林響  
法鼓忘懷狎鷗鰲攝生馴兕虎望嶺眷靈鷲延心念淨土若乘  
四等觀永拔三界苦

七夕詠牛女

火逝首秋節新明弦月夕月弦光照戶秋首風入隙凌峯步會  
巖憑雲肆遙脈徙倚西北庭竦踊東南覲紈綺無報章河漢有  
駿軌



彭城宮中直感歲暮

草草眷徂物契契矜歲殫楚豔起行戚吳趨絕歸懽修帶綬舊  
裳素鬢改朱顏晚暮悲獨坐鳴鶻歇春蘭

○會吟行

六引緩清唱三調仵繁音列筵皆靜寂咸共聆會吟會吟自有  
初請從文命敷敷績壺冀始刊木至江汜列宿炳天文負海橫  
地理連峯競千仞背流各百里滌池溉粳稻輕雲曖松杞兩京  
愧佳麗三都豈能似層臺指中天高塘積崇雉飛燕躍廣塗鷁  
首戲清沚肆呈窈窕容路曜便娟子自來彌年代賢達不可紀  
句踐善廢興越叟識行止范蠡出江湖梅福入城市東方就旅  
三十家詩鈔 卷二 宋 謝靈運 辛

逸梁鴻去桑梓牽綴書土風辭殫意未已

樂府詩集有燕歌行 翰歌行均七言 善哉行 隴西行  
均四言 上畱田行九言 順東西門行長短句皆以非五  
古未鈔 又五言有苦寒行 豫章行 折楊柳行 泰  
山行 君子有所思行 悲哉行 緩歌行均未鈔

顏延年五古三十首

凡文選錄者以識之樂  
府詩集錄者以識之

△從軍行

苦哉遠征人畢力幹時艱秦初略揚越漢世爭陰山地廣旁無  
界岳阿上虧天嶠霧下高鳥冰沙固流川秋飈冬未至春液夏  
不涓閩峰指荆吳胡埃屬幽燕橫海咸飛驪絕漠皆控弦馳檄  
發章表軍書交塞邊接鐫赴陣首卷甲起行前羽驛馳無絕旌  
旗晝夜懸臥伺金柝響起候亭燧煙逝矣遠征人情哉私自憐



○應詔觀北湖田收集曰元嘉十年也

周御窮轍跡夏載歷山川蓄軫豈明懋善遊皆聖仙帝暉膺順  
動清蹕巡廣廛樓觀眺豐穎金駕映松山飛奔互流綴緹鼓代  
迴環神行埒浮景爭光溢中天開冬眷徂物殘悴盈化先陽陸  
團精氣陰谷曳寒煙攢素旣森藹積翠亦蔥芊息饗報嘉歲通  
急戒無年溫渥浹輿隸和惠屬後筵觀風久有作陳詩媿未妍  
疲弱謝陵遽取累非繹牽

○車駕幸京口侍遊蒜山作集曰元嘉二十六年也

元天高北列日觀臨東溟入河起陽峽踐華因削成巖險去漢  
宇襟選作衛徙吳京流池自化造山關固神營園縣極方望邑

三十家詩鈔

卷二

朱

顏延之

五

社總地靈宅道炳星緯誕曜應辰明睿思纏故里巡駕巾舊坰  
陟峯騰輦路尋雲抗瑤蕢春江壯風濤蘭野茂萸選作英宣遊  
弘下濟窮遠凝聖情嶽濱有和會祥習在下征周南悲昔老雷  
滯感遺氓空食疲廊肆反稅事巖耕

○車駕幸京口三月三日侍遊曲阿後湖作集曰元嘉二十六年也

虞風載帝狩夏諺頌王遊春方動宸選作駕望幸傾五州山祇

蹕嶠路水若警滄流神御出瑤軫天儀降藻舟萬軸亂行衛千  
翼汎飛浮彫雲麗璇蓋祥飈被綵旂江南進荆豔河激獻趙謳  
金練照海浦笳鼓震溟洲藐眊靚青崖衍漾觀綠疇民靈騫都  
野鱗翰聳淵邱德禮既普洽川嶽徧懷柔



○拜陵廟作

沈約宋書曰漢儀上陵歲以爲常魏無定制江左元帝崩後諸侯始有謁陵辭陵事蓋率情而舉非京洛之舊自元嘉以來每正月輿駕必謁初甯陵復漢儀

周德恭明祀漢道遵光靈哀敬隆祖廟崇樹加園塋逮事休命  
始投迹階王庭陪廁迴天顧朝譙流聖情早服身義重晚達生  
戒輕否來王澤竭泰往人悔形敕躬慙積素復與昌運并恩合  
非漸漬榮會在逢迎夙御嚴清制朝駕守禁城束紳入西寢伏  
軫出東珂衣冠終冥漠陵邑轉葱青松風遵路急山煙冒壠生  
皇心憑容物民思被歌聲萬紀載絃吹千歲託旒旌未殊帝世  
遠已同淪化萌幼壯因孤介末暮謝幽貞發軌喪夷易歸軫慎  
崎傾

三十一家詩鈔

卷二

宋

顧延之

至

○贈王太常

卽王僧達

玉水記方流璇源載圓折蓄寶每希聲雖祕猶彰徹聆龍際音

九淵聞鳳窺丹穴歷聽豈多士善作工巍然覲時哲舒文廣國華

敷言遠朝列五臣作烈德輝灼邦懋芳風被鄉耆側同幽人居郊扉

常晝閉林閭時晏開亟迴長者轍庭昏見野陰山明望松雪靜

惟淡羣化徂生入窮節豫往誠歡歎悲來非樂闕屬美謝繁翰

遙懷具短札

○夏夜呈從兄散騎車長沙

集曰從兄散騎字敬宗車長沙字仲遠

炎天方埃鬱暑晏闕塵紛獨靜闕偶坐臨堂對星分側聽風薄  
木遙睇月開雲夜蟬當夏急陰蟲先秋聞歲候初過半荃蕙豈



久芬屏居惻物變慕類抱情殷九逝非空思七襄無成文

○直東宮答鄭尚書

宋書鄭鮮之字道子高祖踐祚遷都官尚書

皇居體環極設險祇天工兩闔阻通軌對禁限清風跂子旅東館徒歌屬南墉寢興鬱無已起觀辰漢中流雲藹青闕皓月鑒丹宮脚躑清防密徒倚恆漏窮君子吐芳訊感物惻余衷惜無邱園秀景行彼高松知言有誠貫一作實美價難克充何以銘嘉貺言樹絲與桐

○和謝監靈運

靈運曾爲祕書監

弱植慕端操窘步懼先迷寡立非擇方刻意藉窮棲伊昔邁多幸秉筆侍兩闈初學記作闈雖慙丹艧施未謂玄素睽徒遭良時詖

三十家詩鈔

卷二

宋

顏延之

聖

王道奄昏霾人神幽明絕朋好雲雨乖弔屈汀洲浦謁帝蒼山蹊倚巖聽緒風攀林結畱蕙跂予閒衡嶠曷月瞻秦稽皇聖昭天德豐澤振沈泥惜無爵雉化何用充海淮去國還故里幽門樹蓬藜采芟葺昔宇剪棘開舊畦物謝時旣晏年往志不偕親仁敷情昵興玩善作賦究辭悽芬馥歇蘭若清越奪琳珪盡言非報章聊用布所懷

○北使洛

沈約宋書曰延之爲豫章世子中軍行軍參軍義熙十二年高祖北伐有宋公之授府遣一使慶殊命參起居延之至洛陽道中作詩一首文辭藻麗爲謝晦傅亮所賞

改服飭徒旅首路踟險難振楫發吳洲秣馬陵楚山塗出梁宋郊道由周鄭閒前登陽城路日夕望三川在昔輟期運經始闢



聖賢伊穀絕津濟臺館無尺椽宮陛多巢穴城闕生雲煙王猷  
升八表嗟行方暮年陰風振涼野飛雪脅窮天臨塗未及引置  
酒慘無言隱憫徒御悲威遲良馬煩遊役去芳時歸來屢徂曾  
蓬心既已矣飛薄殊亦然

○還至梁城作

眇默軌路長憔悴征戍勤昔邁先徂師今來後歸軍振策睠東  
路傾側不及羣息徒顧將夕極望梁陳分故國多喬木空城凝  
寒雲邱隴填郭郭銘志滅無文木石局幽闈黍苗延高墳惟彼  
雍門子吁嗟孟嘗君愚賤同埋滅尊貴誰獨聞曷爲久遊客憂  
念坐自殷

三十家詩鈔

卷二

宋

顏延之

蕭

○始安郡還都與張湘州登巴陵城樓作

江漢分楚望衡巫奠南服三湘淪洞庭七澤藹荆牧經塗延舊  
軌登闈訪川陸水國周地險河山信重複卻倚雲夢林前瞻京  
荆一作臺囿清雲霽岳陽曾暉薄瀾澳悽矣自遠風傷哉千里目  
萬古陳往還百代勞起伏存沒竟何人炯介在明淑請從上世  
人歸來執桑竹

○秋胡詩

樂府作  
秋胡行

椅梧傾高鳳寒谷待鳴律影響豈不懷自遠每相匹婉彼幽閒  
女作嬪君子室峻節貫秋霜明豔侔朝日嘉運旣我從欣願自  
此畢



△○其二

燕居未及好

五臣作歡

良人顧有違脫巾千里外結綬登王畿戒徒

在昧旦左右來相依驅車出郊郭行路正威遲存為久離別沒

為長不歸

△○其三

嗟予怨行役三陟窮晨暮嚴駕越風寒解鞍犯霜露原隰多悲

涼迴颺卷高樹離獸起荒蹊驚鳥縱橫去悲哉遊宦子勞此山

川路

△○其四

超遙行人遠宛轉年運徂良時五臣作人為此別日月方向除孰知

三十家詩鈔

卷二

宋

顏延之

五

寒暑積僂俛見榮枯歲暮臨空房涼風起坐隅寢興日已寒白

露生庭蕪

△○其五

勤役從歸願反路遵山河昔辭秋未素今也歲載華蠶月歡一作

觀時暇桑野多經過佳人從所一作此務窈窕援高柯傾城誰不

顧弭節停中阿

△○其六

年往誠思勞路選作事遠闊音形雖為五載別相與昧平生捨車

遵往路鳥藻馳目成南金豈不重聊自意所輕義心多苦調密

比金玉聲



△○ 其七

高節難久淹，竭來空復辭。遲遲前途盡，依依造門基。上堂拜嘉慶，入室問何之日。暮行來選作歸物色，桑榆時美人望昏至。慙歎前相持。

△○ 其八

有懷誰能已，聊用申苦難。補註離居殊年載，一別阻河關。春來無時豫，秋至恆早寒。明發動愁心，閨中起長歎。慘悽歲方晏，日落遊子顏。

△○ 其九

高張生絕弦，聲急由調起。自昔枉光塵，結言固終始。如何久為三十家詩鈔卷二 宋 顏延之 美

別百行警善作諸己君子失明義，誰與偕沒齒。愧彼行露詩，甘

之長川汜。按此詩文選作一首，今依樂府詩集。漢魏百三家集古詩紀作九首。

五君詠五首。沈約宋書曰：顏延年領步兵，好酒疏誕，不能太守延年甚怨憤，乃作五君詠以述。

竹林七賢山濤王戎以貴顯被黜

○ 阮步兵

阮公雖淪跡，識密鑒亦洞。沈醉似埋照，寓辭類託諷。長嘯若懷人，越禮自驚眾。物故不可論，途窮能無慟。

○ 嵇中散

中散不偶世，本自餐霞人。形解驗默仙，吐論知凝神。立俗淫流議，尋山洽隱淪。鸞翮有時鍛，龍性誰能馴。



○劉參軍

劉伶善閉關懷情滅聞見鼓鐘不足歡榮色豈能眩韜精日沈  
飲誰知非荒宴頌酒雖短章深衷自此見

○阮始平

仲容青雲器實稟生民秀達音何用深識微在金奏郭奕己心  
醉山公非虛覲屢薦不入官一麾乃出守

○向常侍

向秀甘淡薄深心託毫素探道好淵玄觀書鄙章句交呂既鴻  
軒攀嵇亦鳳舉流連河裏遊惻愴山陽賦

爲織女贈牽牛

三十家詩鈔

卷二

宋

顏延之

五

婺女儷經星姮娥棲飛月慙無二媛靈託身侍天闕閭闔殊未  
暉咸池豈沐髮漢陰不夕張長河爲誰越一作誰是越雖有促讌期  
方須涼風發虛計雙曜周空遲三星沒非怨杼軸勞但念芳菲  
歇

歸鴻

昧旦濡和風霑露踐朝暉萬有皆同春鴻鴈獨辭歸相鳴去澗  
汜長引發江譏皦潔登雲侶連綿千里飛長懷河朔路緬與湘  
漢違

除弟服

徂沒離二秋掩泣備三冬往辰緬難紀來算忽易窮升沒淹葑



晦灑掃易禮容縞衣變余體長逝歸爾躬

辭難潮溝

徘徊眷郊甸俛仰引單襟一塗苟不豫百慮畢來侵永懷交在昔有願譽瑟琴寫言勞者事將用慰亡簪

古詩紀有侍東耕詩一首發景陽樓一首疑有關文應詔讌曲水作詩八章皇太子釋奠會作九章三月三日詔宴西池詩一首為皇太子侍宴餞衡陽南平二王應詔詩一首皆四言以非五言古故未鈔

謝希逸五古六首

烝齋應詔

霜露凝宸感肅儻動天引西郊滅湮揜一作煙奔東溟起昭晉舞風

泛龍常輪霞浮玉軻紫階協笙鏞金途展應棟方見六詩和永

三十家詩鈔

卷二

宋

謝莊

五

聞九德潤觀生識幸渥睇服慙輟一作惰悒

和元日雪花應詔

從候昭神世息燧應頌道玄化盡天祕凝功畢地寶笙鏞流七

始玉息承三造委霰下璇蕤疊雪翻瓊藻積曙境寓明聯萼干

里杲掩映順雲懸搖裔從風掃發祝燭姪前騰瑞光圖表澤厚

見身末恩踰悟生眇竦誠岱駕肅側志梁鑾矯

七夕夜詠牛女應制

輟機起春暮停箱動秋杵璇居歲時樵照漢右芝駕肅河陰容

裔泛星道逶迤濟煙溇陸離迎宵佩候爍望昏簪俱傾環氣怨

共歇淡年心珠殿釭未沫瑤庭路已深夕歲時清豈淹拂弦輝作夜



無久臨

遊豫章西觀洪崖井

幽願平生積野好歲月彌捨簪神區外整榻靈鄉垂林遠炎天  
隔山深白日虧游陰騰鶴嶺飛清起鳳池隱曖松霞被容與澗  
煙移將遂邱中性結駕終在斯

自潯陽至都集道里名爲詩

山經亟旋覽水牒劾敷尋稽榭誠淹畱煙臺信遐臨翔州凝寒  
氣秋浦結清陰眇眇高湖曠遙遙南陵深青溪如委黛黃沙似  
舒金觀道雷池側訪德茅堂陰魯顯闕微迹秦良滅芳音訊遠  
博望崖採賦梁山岑崇館非陳宇茂苑豈舊林

三十家詩鈔

卷二

宋

謝莊

堯

北宅祕園

夕天霽晚氣輕霞澄暮陰微風清幽幌餘日照青林收光漸窗  
歇窮園自荒深綠池翻素景秋槐響寒音伊人儻同愛絃酒共  
棲尋

古詩紀有侍宴蒜山一首 侍東耕一首 喜雨一首 江  
都平解嚴一首 從駕頓上一首 八月侍華林曜靈殿八  
關齋一首皆疑有闕文 懷園引  
一首 山夜憂一首均雜言未鈔

謝宣遠五古九首均文選所錄

○九日從宋公戲馬臺集送孔令詩

風至授寒服霜降休百工繁林收陽彩密苑解華叢巢幕無畱  
燕遵渚有來五臣作歸鴻輕霞冠秋日迅商薄清穹聖心眷嘉節揚



鑾戾行宮四筵霽芳醴中堂起絲桐扶光迫西汜歡餘初學作餘歡

宴有窮逝矣將歸客養素克有終臨流怨莫從歡心歎飛蓬

○答靈運

一作答康樂秋霽詩

夕霽風氣涼閑房有餘清開軒滅華燭月露皓五臣作浩已盈獨夜

無物役寢者亦云甯忽獲愁霖唱懷勞奏所誠善作歎彼行旅

艱深茲眷言情伊余雖寡慰殷憂暫爲輕牽率酬嘉藻長揖愧

吾生

○於安城答靈運五首

文選作一首

條繁林彌蔚波清源逾濬華宗誕吾秀之子紹前胤綢繆結風

微烟爍吐芳訊鴻漸隨事變雲五臣作靈臺與年峻

二十家詩鈔

卷二

宋謝瞻

卒

其二

華萼相光飾嚶鳴五臣作嚶嚶悅同響親親子敦余賢賢吾爾賞比

景後鮮輝方年一日長萎葉愛榮條涸流好河廣

其三

徇業謝成操復禮愧貧樂幸會果代耕符守江南五臣作南江曲履

運傷在苒遵塗歎緬邈布懷存所欽我勞一何篤

其四

肇允雖同規翻飛各異槩迢遞封畿外窈窕承明內尋塗塗旣

睽卽理理已五臣一作亦對絲路有恆悲矧迺在吾愛

其五



跬行安步武鍛翻周數何豈不識高遠違方往有吝歲寒霜雪  
嚴過半路逾峻量已畏友朋勇退不敢進行矣勵令猷寫誠酬  
來訊

○王撫軍庾西陽集別時爲豫章太守庾被徵還東

集日謝還豫章

庾被徵還都王撫軍送至滄口南樓作

祇召旋北京守官反五臣作及南服方舟析舊知對筵曠明牧舉觴  
矜飲餞指途念出宿來晨無定端別晷有成速頽陽照通津夕  
陰暖平陸榜人理行艫輜軒命歸僕分手東城闈發權西江隩  
離會雖相難逝川豈往復誰謂情可書盡言非尺牘

○張子房詩

三十家詩鈔

卷二

宋

謝瞻

空

王風哀以思周道蕩無章卜洛易隆替興亂罔不亡力政吞九  
鼎苛慝暴三殤息肩纏民思靈鑒集朱光伊人感代工聿來扶  
興王婉婉幙中畫輝輝天業昌鴻門銷薄蝕垓下隕攙搶爵仇  
建蕭宰定都護儲皇肇允契幽叟翻飛指帝鄉惠心奮千祀清  
埃播無疆神武睦三正裁成被八荒明兩燭河陰慶霄薄汾陽  
鑾捨五臣作旌歷頽寢飾像薦嘉嘗聖心豈徒甄惟德在無忘逝者  
如可作揆子慕周行濟濟屬車士粲粲翰墨塲瞽夫違盛觀竦  
踊企一方四達雖平直蹇步愧無良殫和忘微遠延首詠太康

謝法曹五古二十六首

文選錄者以○識之樂府詩集錄者以△識之

△豫章行



軒帆遡遙路薄送瞰遐江舟車理殊緬密友將遠從九里樂同  
潤二華念分峯集歡豈今發離歎自古鍾促生靡緩期迅景無  
遲蹤緇髮迫多素憔悴謝華華婉婉寡畱窈窕閉淹龍如何  
阻行止憤慍結心胸既微達者度歡戚誰能封願子保淑慎良  
訊代徽容

△塘上行

芳萱秀陵阿菲質不足營幸有忘憂用移根託君庭垂穎臨清  
池擢彩仰華豐霑渥雲雨潤葳蕤吐芳馨願君眷傾葉畱景惠  
餘明

△卻東西門行

三十家詩鈔

卷二

宋

謝惠連

空

慷慨發相思惆悵戀音徽四節競闌候六龍引頽機人生隨時  
變遷化焉可祈百年難必保千慮盈懷之

△代悲哉行

樂府作惠連鮑照集亦載此

羈人感淑節緣感欲回轍我行詎幾時華實驟舒結覩實情有  
悲瞻華意無悅覽物懷同志如何復乖別翩翩翔禽羅關關鳴  
鳥列翔鳴常疇偶所歎獨乖絕

△猛虎行

貧不攻九疑玉倦不憩三危峯九疑有惑號三危無安容美物  
標貴用志士勵奇蹤如何祇遠役王命宜肅恭伐鼓功未著振  
旅何時從



△其二

猛虎潛深山長嘯自生風人謂客行樂客行苦心傷

三月三日曲水集

一作上巳曲水集

四月著平分三春稟融燦遲遲和景婉天天園桃灼攜朋適

作斯郊野味爽藝文作旦辭鄺廓蜚雲興翠嶺芳飈起華薄解轡偃崇

邱藉草繞迴壑際渚羅時歛託波汎輕箬

汎南湖至石帆

軌息陸塗初柁鼓川路始漣漪繁波漾參差層峯峙蕭疏野趣  
生逶迤白雲起登陟苦跋涉瞬盼樂心耳即翫翫有竭在興興  
無已

三十家詩鈔

卷二

宋

謝惠連

室

西陵遇風獻康樂五首

文選作一首

我行指孟春春仲尚未發趣途遠有期念離情無歇成裝候良  
辰漾舟陶嘉月瞻塗意少悵還顧情多闕

其二

哲兄感化別相送越垌林飲餞野亭館分袂澄湖陰悽悽畱子  
言眷眷浮客心迴塘隱艫棹遠望絕彤音

其三

靡靡卽長路戚戚抱遙悲遙但自弭路長當語五臣作問誰行行  
道轉遠去去情彌遲昨發浦陽汭今宿浙江湄

其四



屯雲蔽曾嶺驚風湧飛流零雨潤墳澤落雪灑林邱浮氛晦崖  
巘積素惑原疇曲汜薄停旅五臣通川絕行舟作依

其五

臨津不得濟伛楫阻風波蕭條洲渚際氣色少諧和五臣  
興游歎東睇起悽歌積憤成疾疴無營將如何作矚

代古

一作擬客  
從遠方來

客從遠方來贈我鵠文綾貯以相思篋緘以同心繩裁爲親身  
服著以俱寢興別來經年歲歡心不可凌瀉酒置井中誰能辨  
斗升合如杯中水誰能判淄澠

秋懷

三十家詩鈔

卷二

宋 謝惠連

寄

平生無志意少小嬰憂患如何乘苦心矧復值秋晏皎皎天月  
明奕奕河宿爛蕭瑟含風蟬寥唳度雲鴈塞商動清閨孤燈曖  
幽幔耿介繁慮積展轉長宵半夷險難預謀倚伏昧前算雖好  
相如達不同長卿慢頗悅鄭生偃無取白衣宦未知古人心且  
從性所翫賓至可命觴朋來當染翰高臺驟登踐清淺五臣  
陵亂頽魄不再圓傾義無兩旦金石終銷毀丹青暫彫煥各勉  
玄髮歡無貽白首歎因歌遂成賦聊用布親串

擣衣

衡紀無淹度晷運倏如催白露滋園菊秋風落庭槐肅肅莎雞  
羽烈烈寒螿噉夕陰結空幕宵月皓中閨美人戒裳服端飾相



招攜簪玉出北房  
鳴金步南階  
欄高礎響發  
楹長杵聲哀  
微芳起兩袖  
輕汗染雙題  
紉素旣已成  
君子行未歸  
裁用笥中刀  
縫爲萬里衣  
盈篋自余手  
幽緘俟君開  
腰帶準疇昔  
不知今是非

泛湖歸出樓中望月 善作 翫月

日落泛澄瀛  
星羅遊輕橈  
憩榭面曲汜  
臨流對迴潮  
輟策共駢筵  
竝坐相招要  
哀鴻鳴沙渚  
悲猿響山椒  
亭亭映江月  
颯颯出谷飈  
斐斐氣冪岫  
泫泫露盈條  
近矚祛幽蘊  
遠視蕩誼囂  
晤言不知罷  
從夕至清朝

七月七日夜詠牛女

落日隱欄楹  
升月照簾 玉臺作房  
櫳團團滿葉露  
析析振條風  
蹠足

循廣除  
瞬目曬曾穹  
雲漢有靈匹  
彌年闕相從  
遐川阻暱愛  
脩

渚曠清  
容弄杼不成藻  
聳轡驚前蹤  
昔離秋已兩  
今聚夕無雙

傾河易  
迴幹款情 玉臺作顏  
難久悰  
沃若靈駕旋  
寂寥雲幄空  
畱情

顧華寢  
遙心逐奔龍  
沈吟爲爾感  
情深意彌重

喜雨

朱明振炎氣  
溽暑扇溫飈  
羨彼明月輝  
離畢經中宵  
思此西郊雲  
旣雨盈崇朝  
上天愍憔悴  
商羊自吟謠

詠冬 藝文新本字諷作靈運考舊本正之

七宿乘運曜  
三星與時滅  
履霜冰彌堅  
積寒風愈切  
繁雲起重陰  
迴飈流輕雪  
園林粲斐皓  
庭除秀皎潔  
墀瑣有凝汗 一作達



衢無通轍

讀書

賈園奚足慕下帷故宜遵山成由一簣崇積始微塵虞軒雖眇  
莽顏隰亦何人

離合詩二首

放棹遵遙塗方與情人別嘯歌亦何言肅爾凌霜節

各字

其二

夫人皆薄離二友獨懷古思篤子衿詩山

當作三

川何足苦

念字

夜集作離合

四坐宴嘉賓一客自遠臻九言何所戒十善故宜遵

三十家詩鈔

卷二

宋

謝惠連

空

夜集歎乖

詩人詠踟躕首歌離別誠哉曩日歡展矣今夕切吾生赴進  
令質明即行轍在貧故宜言贈子保溫惠曷用書諸紳久要亮  
有誓

與孔曲阿別詩

淒淒乘蘭秋言餞千里舟塗屈雲陽邑邑宰有昔遊行人雖念  
路為爾暫淹留

本集有秋胡行二首

隴西行一首均四言

燕歌行一首

七言

鞠歌行一首

前緩聲歌一首均雜言

長安有狹

邪行一首

順東

西門行一首

詠螺

蚌一首失題一首皆有闕文未鈔

三十家詩鈔卷二

善化黃維申校



